

道光己酉年脩

萬載縣土著志

賓興堂藏板

萬載土著志序

史莫難於志尤莫難於邑人
脩邑志若志有可因而不得不
為創其勢似有所偏而實必欲
為兩全之計此尤難之難者也
萬載之有志舊矣然自雍正至



道先始有郭星嶠進士重加編纂久而後定夫以百年曠缺得鄉先生為之蒐佚而訂訛宜其協于衆志遵為典章而願成焉而未即刊之焉而未通行者豈非邑人脩邑志之難哉乃者中丞

吳公有新脩省志之議檄各州縣補緝各志以備採于是萬載劉大令延請邑孝廉辛君星浦主其事計數志之刻距今十餘稔耳因其成而綴葺之固亦易之顧以步載人志步載

則又有時殊事異者蓋在雍正
以前客籍未盛紀載畧無所及
自因考試涉訟經奏定分額
之後人事遞增是以郡志援而
入之而歷年益久生殖日密學
校漸興遂有主客之形不能相

下亦勢使然也志之以土著創
定得已哉星浦門望既高丰
規故峻又兼才學識三長鄉
人士咸推為祭酒筆削之權
宜可以獨操而星浦抑不然不
敢自是功歸于原編事衷字

萬壽縣志卷之四
公論而考核精審義例正大一
經刪潤蔚然改觀斯不朽盛
業已或曰斯志誠盡美矣惟
是別土著而外之彼客籍者
將何所憑藉依附以為從乎余
曰不然萬載置縣幾何年矣

其間滄桑變革遷徙靡常今
日之土著安知昔日不有為客
籍者惟此不以為他族之偏彼
不以為羈居之猜則畛域之見
兩化亦何至久而不能相安乎
且萬之星野疆域山川土田

可分者也其賦役戶口又不能不合者也星浦因其可合者而加訂正焉而留其可分者俟審籍之人自為之非乙之也若曰此其分焉者安在後日不可以為合乎於是乎星浦之用心隱矣

吾故曰難也

道光己酉重陽日

賜進士及第翰林院脩撰
南書房行走前山東提督學
政永豐劉繹撰并書



高載縣志總目

卷首

序文 修纂姓氏 凡例 繪圖

卷一

星野

卷二

沿革

卷三

知縣 衛鶴鳴
劉恒泰



形勢

卷四

城池

疆域坊市都邑附

卷五

山川

卷六

水利

橋渡附

卷七

學校

卷八

公署

卷九

書院

卷十

田賦

戶口附 鹽鈔附 蠲政附

卷十一

風俗

卷十二

土產

卷十三

兵衛

漕運附

鋪兵附

卷十四

武事

卷十五

古蹟

卷十六

封爵

卷十七

秩官

卷十八

選舉

卷十九

名宦

卷二十

人物

卷二十一

寓賢

卷二十二

列女

卷二十三

仙釋

卷二十四

方技

卷二十五

祥異

卷二十六

祠廟

卷二十七

塋墓

卷二十八

寺觀

卷二十九

藝文

卷三十

雜記

跋

樂輸姓名

原序

史之擅長也在乎才學識而志爲史之流其體例紀載有可
以信今傳後者亦惟於才學識中求之邑之有志自李吉甫
志郡縣始厥後邑各輯志罔不哀勒成書顧未深討乎體例
之條貫與紀載之謹嚴不失之闕誤卽失之蕪濫而爲世詬
病焉昔高似孫之志嵎縣也微引賅洽多唐以前遺文軼事
於先賢傳必注所據之書可爲紀人物之法於山水仿酈道
元水經注脈絡井井可爲紀山水之法武功志撰自康海取
舊志之繁濫概從芟削書僅七篇而義例分明綱目具括朝
邑志撰自韓邦靖上卷僅四篇下卷僅三篇上下數千年包

括鉅細敘次點綴若有餘閒而無局促束縛之迹之數書者世共推爲絕作豈非其才其學其識固卓越乎後人哉夫以後人之才學識之不逮乎古必欲規仿古人之著作以求合微論形弗似也卽形似矣而神弗肖曷由臻乎志之善哉余友萬載郭君星嶠究心史學以副車教習官學生居京師有年戊辰成進士與余同出豐潤劉夫子之門今春余奉

命來撫江右星嶠出所輯志乘示余迺諦審新輯互證舊志見其於舊志事涉瑣屑文近鄙俚者修之使近乎醇飾之使歸於雅可以知其才焉於舊志之承訛襲謬一一辨正沿革山水田賦武事等篇舊志脫畧先賢名爵文翰軼事亦多遺漏悉據史傳及各志集補輯之可以知其學焉且於舊志人物陳志譏其濫者釐而爲正傳彙傳選舉則首科名次仕籍若雜進之已登仕途者具錄其餘弗錄懍然有名器不假之思尤可以知其識焉雖立綱分目本程中丞體例與岷縣武功諸志不必盡合要其紀載謹嚴無闕誤蕪濫之失可不謂志之善本乎時方付剞劂氏因摭言之以弁諸簡道光十二年歲在壬辰秋仲江西巡撫兼提督銜祥符周之琦拜謁

萬載古稱康樂地多佳山水隸於袁而予友星嶠家在焉嘉慶戊辰居禮部試予適與星嶠同出中翰劉夫子之門因晉接雅相得也旣而捧檄分馳末由聚晤荏苒竟閱二十五稔

高唐縣志卷之七 雜著
矣今春予奉

命分藩來江右而星嶠已假歸鬚髮皤然相見懽甚詢近作出所
輯邑志未刊成者見教并以序請余迺從而徧覽之見其體
例旣明紀載微實前令衛松甫已序其概而於沿革氣候風
俗山川辛筠谷少宰稱爲典雅詳贍勝舊書數倍者序良不
誣然祇分僂其美究未統論乎全也予惟志爲史之類而作
史莫難於志以其體裁頗異也史兼書惡志則主乎彰善縣
志之脩較郡志省志亦頗異郡省之志取乎簡而縣志取乎
詳不詳則多所遺遺無貴於志也第詳而弗核恐失諸濫濫
豈志云乎哉茲志之輯凡前志所存者無一人一事之或遺

卽前志之所遺者廣蒐而補錄之幾於遺無所遺矣而更從
遺無所遺之中核其人之事屬鄙瑣文不雅馴者從中刪節
不復使之鄰於濫如田賦漕政武事文藝諸篇固已補錄無
遺而其於選舉人物尤足徵紀載慎重不失乎循名責實之
思尙何濫之有歟要其大旨之所存總不離乎程中丞所發
章程爲近是若目在綱若金從范實以定羣疑而不致義例
之參差由是而郡志而省志知必有昭合焉者可不謂邑志
之善本也乎顧予獨念通志之修距今幾百年矣曩歲月川
中丞謀興修未果此固守土者之責抑亦鄉先生有分任之
責焉徵文攷獻其能漠然無所動於懷乎茲喜同門星嶠能

從事於斯俾康樂先有成書也不禁擗管序之以爲勸道光
十二年歲在壬辰七月旣望江西承宣布政使司鍾祥撰

邑之有志越數十年必當修所以備太史之採樹一方之觀
宰治者卽其風土揆今昔之宜以興教立養者也余以辛巳
之春來任是邑取舊志觀之距今幾百年矣欲續之每與邑
人士相見諮詢文獻以事至鄉流連山溪間與父老談先民
遺俗近時情形鄉前輩李厚岡先生富於考据者索所畱圖
記置案頭以公牘殷繁才有不給無暇取舊志參合博採成
書明年程月川先生來撫是邦提採各州縣以修省志因集
紳耆議先修縣志皆欣然樂輸工資以應第事缺年多搜羅
不易爰屬各鄉雅善之士悉心採訪毋有所遺適名進士郭
星嶠先生旋里造門邀之合邑之致仕而歸與公車未上貢
太學而在籍在庠諸生之積學能文章者分手編輯同心勸
摩數月成稿郵寄都中請正於鄉先達司空辛筠谷先生時
余有瀋陽之役往返經年旋任未久而羸且病故未遑筆墨
從事其間今者引疾去矣而筠谷先生以志稿還旣訂正之
又獎勵之余以風塵末吏久荒學殖自愧不文賴邑人士之
鼓舞勤勉先達名公之督勉裁合獲成是書竊與有榮幸焉
是書體例旣明紀載從實前哲往事足以資考鏡節義善行
足以勵時風其山川土田之所宜陂渠津梁之所便戶口賦

稅之所生聚學校選舉之所登進尤爲宰者所宜周知因時
隨地以爲理者非具文也萬邑在羣山之中田不過十之二
三近年多所樹蓄財貨以通四民儉樸習勤皆有以謀其生
族姓崇建祠堂尊祖敬宗以睦其族上下之分男女之別禮
義存焉相與講學術育賢才人文其日盛矣其維持而漸磨
之以承

國家重熙累洽之化共登郅隆則邑宰之責也余之庸鈍偃蹇任
茲四五年唯是勞形案牘未暇與斯民進圖所爲教養之道
而遂以病去余之愧也其攜是書以歸諦觀而熟籌之求其
可施於時者他日痊愈復來茲土與邑人士勉行其所未逮

焉道光六年正月二十日前知萬載縣事衛鵠鳴書

萬載縣志道光三年修閱十稔至今而始成何若是之難也
余往者攝縣事聞志久有稿借觀之蓋刊者半半以浮言故
未刊何若是之舛也亟議刊全而因循載餘不果是誰之過
與余滋愧焉今夏宰萍鄉與萬密邇而萬邑鄉先生以志來
居然成書是向所深咎其未成而亟望其成者而今竟獲成
以是知邑之人羣疑盡釋而相忘於大道之公也夫志史之
餘其體宜嚴紀宜實採擇宜詳論斷宜正與作史等第一邑
之志其不能與國語兩漢晉魏唐宋諸書相較也明矣以今
人之才之識其不能與左遷班范司馬歐陽諸公爭長而挈

短也又明矣然而當日之論之評之譏之糾之辨正之刪改之是非錯雜謠詠旁興未嘗爲諸公少恕而卒無損於諸公無累於諸公之著作而謂區區邑乘必能無毫髮濫遺懸國門不可增損一字問諸作者之心其亦未敢自信也第一邑地近事易實以邑人修邑志蒐輯易詳在邑言邑當不敢以已意爲筆削之三者要可信是志也邑人士各置一編平心而靜讀之爲畧爲詳或得或失必有能辨之者大抵著書立說各視其人之識與才而以不詭於正爲是固不能每人而悅之也況志以垂久遠不能阿所好亦不能使鄉人皆好則何如聽鄉人之自好之而自惡之也哉余因斯志之宜成而難成幾幾不獲成而忽成而不禁爲萬邑諸君子解前惑且志喜也於是乎書道光十二年壬辰秋七月前署萬載縣事現知萍鄉縣事三山楊際華謹序

縣志縣令之鑑也故下車必閱志風土人情得悉焉辛歲十月余捧檄來萬載自郡之縣見山川之秀人物之都心竊喜之然欲覽全邑之形勝與建置之沿革習尚之移易而思所以整齊而化導之舍志無由檢舊志已越九十餘年多訛闕而新志稿具未刊不獲借讀將圖治無考鏡資譬如終夜有求於幽室之中非燭何見徒俛俛耳今秋分校省闈旣竣事晤邑中鄉先生郭星嶠進士於客邸以志刊成告出一帙見

示體例謹嚴稽核詳贍美哉言之果足志也今而後余知所
以治萬載矣讀疆域城池諸志而知龍山爲水易守也讀田
賦土產諸志而知禾麻茶竹易蓄也讀學校與藝文志而知
士先器識黜其浮讀戶口與風俗志而知民尙淳龐鋤其莠
名宦之善政師之鄉賢之盛德表之兵衛以和衷協之祥異
以修省弭之行將與邑人士振作休養上康樂之書以仰副
聖天子諄諭牧令勤求治理之至意在此志也而能不寶之爲鑑
也乎抑余更有幸焉志之修始衛松甫先生中間若楊肖巖
武曉谷陳訥齋林鼎甫四明府皆與其事者也若趙子厚以
宜春令兼理萬邑若龔松五僅攝縣事十有二日之兩令尹
者未遑厥志者也若湯秋漁故尹則見其刊而未成者也若
楊藕塘署令則欲趣其刊全而仍因循未果者也乃至余而
適觀其成豈斯志之成固有其時耶抑豈余於斯邑有獨親
故得志以爲治本耶遂覺與向者初入境竊喜之心交暢於
中而不能自已也爰志一言於簡道光十二年壬辰又九月
知萬載縣事浙東龔士範謹序

一統志起於州縣由州縣而郡而省以達於國史館州縣之
志有闕訛則郡志以上胥因之故縣志不可不慎也凡諸志
皆史類然史紀一代之事可一脩而畢惟志則各州縣事蹟
歷二三十年動多增減不有續脩何以備文獻而資攷鏡哉

吾縣志自雍正十一年汪邑侯重修後遙遙至今幾及百年中間歷任之宰官師儒邑人之選舉仕宦學額之增設分合與一切政蹟事實闕焉弗載將恐久漸訛失昔與民部質夫先生官京師曾具公啟并致書來侯請厚岡李先生主脩岢李方致仕家居也後各以事不果李先生旋逝邑之賢能同志半就凋謝或就試京師或遠宦四方茲事久成懸寘矣近值史館方脩一統志中丞程月川先生來撫江右首以爲重先頒修志章程於各屬而大名衛松甫先生適蒞吾邑不數月政通人和公私畢治乃擇邑人之賢明有文望者任以編纂其公正勤敏者分董志局稿既成郵寄都中先以示

益

岢益祇役陪京兩月始返兼以禮部攝銓政奉職彌殷未遑文翰之事也旋奉

恩命視學江左試期方迫匆匆就道亦竟無暇展觀今科試告竣公事稍閒乃取志稿畧觀大概體例既歸精當其沿革氣候風俗山川典雅詳贍勝舊書數倍其他敘次亦皆切實簡要讀之懽喜旣以嘆衛公倡率之美且嘉諸君子編纂暨同事之公且勤而能不負所擇也惜益遠宦天涯不獲與諸君子襄事其間然以十數年前官京師與質夫先生所志焉未逮者今一旦獲觀厥成豈非厚幸惜乎質夫先生不及見也茲志也成爲郡志省志之根他日彙入

大清一統志俾吾縣先後文獻皆得上達史館衛公與諸君子修
葺之功豈淺鮮乎知開梓在卽因亟綴數行郵歸以志慶道
光五年冬至邑人辛從益書於江陰試院

原編姓氏

鑒定

兵部侍郎都察院右副都御史巡撫江西兼提督周之琦進士

江西等處承宣布政使司布政使鍾祥進士

督修

萬載縣知縣進士衛鵠鳴

署萬載縣事舉人楊獻弼

萬載縣知縣舉人龔士範

監修

萬載縣教諭拔貢賀成因

萬載縣訓導舉人李健翎
總纂

前安徽太和縣知縣進士郭大經

分編參校

署奉新縣導舉人汪元英 候選教諭舉人袁開慶

舉人辛候 舉人宋聯元

候選教諭舉人湯薦馨 舉人龍景嘉

恩貢生張映笏 歲貢生李景岡

廩膳生易樹本 增廣生郭光昕

附學生龍起滄 附學生郭守珍

附學生辛錦河 監生李光宁

經理採訪

前廣東長寧知縣辛朝俊 今江蘇吳縣知縣人湯譽光

舉人盧焜 舉人李宗彝

歲貢生郭光笏 歲貢生辛孟剛

歲貢生王介眉 歲貢生王敬敘

廩貢生辛磐 武舉宋挺

廩膳生盧文宜 廩膳生何蔚春

附貢生龍文 附貢生郭樹芝

增廣生李光宰 增廣生郭昂

7

增 廣 生宋文瀚 附 學 生喻 藩

附 學 生袁振藻 附 學 生周治獻

附 學 生蕭翼鳳 附 學 生宋霖雲

附 學 生歐陽文蔚 附 學 生周鶴翎

附 學 生劉英馥 附 學 生鄧樹楠

附 學 生潘宗器 附 學 生鮑模旦

庠 生周之漢 例 貢 生潘于蘋

議 敘 九 品陳守謙 監 生鄧 鎬

監 生陳 常 監 生彭英顏

監 生歐陽韶仁

增訂姓氏

督修

萬 載 縣 知 縣 拔 貢劉恆泰

監修

萬 載 縣 教 諭 附 貢陳觀燁

萬 載 縣 教 諭 附 貢劉綬槐

萬 載 縣 訓 導 舉 人盧 馥

纂修

舉 人辛辰雲

協修

舉

人喻炳

舉

人劉文毅

舉

人彭士模

舉

人高思訓

舉

人盧及芝

舉

人辛有守

舉

人郭尙熙

舉

人韓觀

舉

人周樹贊

舉

人盧介

校勘

歲

貢

生王敬敘

恩

貢

生辛梅魁

歲

貢

生彭才尹

增

貢

生郭光昕

廩

膳

生劉式毅

郡

附

生辛有爲

經理採訪

武

舉汪士麟

副

舉宋賦梅

中

廩

膳

生聞宗弼

廩

膳

生周樹華

廩

膳

生張居敬

廩

膳

生辛守緒

附

貢

生歐陽文蔚

增

廣

生張藻

增

廣

生周錫永

增

廣

生敖式鈞

生

員

議

敘高作楫

生

員張昺

生

員郭慶颺

生

員劉履安

生

員郭陶

生

員鮑琳

生

員楊清

生

員李承昉

生

員辛炳書

生

員高炳麟

生 員郭光青 生 員辛思誠

生 員楊環 生 員劉文諤

生 員郭兆珍 生 員龍應飛

考選巡 檢龍喙鳳 館班議敘從九品辛公弼

職 監辛東卓 監 生王簡心

監 生韓秉謙 監 生 議 敘歐陽藝

監 生宋金鏐 監 生彭賢佩

議 敘 八 品鮑履泰 議 敘 八 品陳龍光

萬載縣志卷首

凡例

一勝國以前邑志無可考明凡三修惟章志尙有傳本

國朝常志汪志悉祖述之然皆近據當代罔究前章因陋就簡

覽者病焉茲編取材郡志以嘉定滕志洪武嘉靖圖志康熙

李志乾隆陳志爲本參考通志史集及旁邑列乘訪諸故老

稽之成案以次編補期無遺濫

一邑志本宜歸一無如客籍意見齟齬動輒興訟致原編久閣

茲訂亦幾敗垂成不得已照分額例聽其分修一邑兩志事

雖創聞然志者志也志旣相睽理宜通變昔人耆舊虞衡各

志別自單行客籍何妨另爲志乎夫郡邑原以土著爲斷僑居不過附見志曰土著則一邑事宜綱領條目全志之體無所不該特不欲獨居其名耳

一立綱分目悉遵頒發程式惟關津鹽驛原分二條而關驛邑久奉裁故以津附水利鹽附田賦不復立綱其他分目亦不無出入因地制宜各有當也

一疆域城池學校公署書院考棚皆繪圖卷首俾形勢規制開卷瞭然至八景已成故套江寧志所謂虛僞可唾者不復圖一星野之說通儒所譏然分星觀祥載於官禮不可誣也萬載古揚域於星主斗茲采輯衆說就斗宿畧加辨證期於本邑有台北斗五星亦畧具焉而準氣候以作人事固月令遺意也并附

一沿革當自建成立縣始然因地域以考所屬則畫州以後可得其概自漢迄唐史志逾章惟升場定名乃沿革之大者舊志悞以置縣爲立場之年今參考各書特加辨正而前後各依時代編次

一形勢表一邑勝槩語采前賢義歸簡切後附隘塞挈其要害守土者所宜留意也

一城池以固封守坊鄉街巷市鎮以奠民居疆域所爲形束壤制至到道里卽周知廣輪之基皆因舊志紀載加詳都邑僅

高華縣志卷之二 名首
載村名其甲戶籍貫俟確訪另立一冊茲不遑及進士節孝
諸坊舊歸建置今附選舉列女各條以省冗複

一萬載山水靈秀可紀者多舊志失之疏漏李進士厚岡先生
於支幹脈絡源流分合考核最精旁及風景歷歷如繪是以
原編全取其書顧邑志之紀山川譬國史之志地理粗舉大
畧而已必欲條分縷析纖悉不遺轉失體裁蓋先生書全倣
水經注例專門之學非爲修志也但前輩心血未敢盡沒今
酌存要領畧去旁文舊載崑泉並加釐正已覺失之過繁其
水利及各橋渡亦釐舊增新列爲次卷

一學校以宏教育視他建置尤重歷次營徙拓修謹當備載學
額學田學基以次備錄至土客分額邑中一大故事也摘錄
案畧附後

一公署公所興建營繕皆次第編載書院近日尤盛各區競立
義學今錄先公後私首合縣書院講堂次鄉族義塾次同志
合建者其前賢藏修之所除入古蹟外存者照舊廢者附名
於後

一風俗惟紀其實物產必詳所出庶免風俗通本草經之誚
一田賦口稅本自二端自丁歸糧納遂併爲一茲編首列
國課次稽前代欸目俾因革損益之由一覽便悉若減浮乃
國初特恩不觀前代之苛不見

皇仁之大並加紀畧以志顛末屯田舊列兵衛今歸民糧故與雜稅戶口鹽鈔蠲政附編於末

一兵衛舊志惟載萬厯以來未免太畧今參史傳各志凡前代兵制切於本邑者暨

本朝營制之更易弁兵裝械之增減並補其舊而輯其新糧艘鋪兵附後武事舊志尤畧茲更蒐稽史乘以次編補一切私家妄載概斥不錄

一古蹟自城邑故址暨前賢居宅書室亭館或因原本或從別條移入或據石刻補所未及間加辨正已廢者附按於後

一封爵奉發程式異地食封本邑與本邑食封異地概歸一律按之依朝代編次例未免混淆且萬邑受封地者惟南平青陽二人而原編體例又不用表而用傳則二人斷宜歸人物一秩官分別各職依次編錄署任逾數月者一律備載其官名更易員數增損並詳加考註世遠無徵闕之選舉原首薦辟

按唐宋以來進士爲重文獻通考云搢紳雖位極人臣而不由進士終不爲美今薦辟所紀皆唐以後人自應移甲榜後亦明史選舉例也餘俱照舊封蔭附焉若例貢例監掾考及捐職未經分發與鄉飲之毫無事實者因舊志已載附名是

卷末不續錄

一名宦已崇祀者自應有傳卽未入祀而功德在民亦必采登

以志遺愛人物蒿失之冗茲編汰其羨文節其細行歸於可傳而已間有補傳皆根據確實不以家譜爲憑至汪志以後人文尤盛要必勲業文章學問行誼卓有可稱及急公好義功裨桑梓者方爲立傳若虛美小善俱憑公論未敢徇登一人物載有墓志傳文者俱注詳藝文志傳等字不復立傳以省繁複惟事在可傳而本文未敘或敘而不詳者仍爲表出加餘詳字樣

一後漢列女傳錄蔡姬而畧徐淑史家譏之故近世載筆必歸貞烈節孝今編除舊傳外凡題旌者俱查案詳載卽未報而年例已符或舊遺而採訪甚確並附於後其間或有小傳或僅錄守節年分則惟視採訪所送非敢意存軒輊蓋婦女無他表見守節卽堪不朽不在立傳與否也才女附一名賢寄蹟山水增輝如梅福之居九江嚴子陵之在富春跡過芳畱有餘慕焉故志家有流寓一門亦必文行足式軌躅可徵或本邑著姓所宗者方爲之傳方技小道可觀列史不廢亦畧舉所長用補前闕

一仙釋雖居方外亦足爲山靈生色志家所必采前志已登仍之畧加考證其新輯者皆信而有徵不同稗說

一萬載山高水駛旱澇時所不免幸際

昇平休徵亦復疊見茲本舊志間補其遺復采近今報案按年

續載其有年登百歲五世同堂並紀之以彰人端

一 祠廟首尊 學宮凡春秋二丁禮儀樂舞祭品祭器敬謹登載以昭恪守匾額主位天下通行未敢瀆陳其名宦鄉賢等祠凡 題准有案者並列其主其次各壇廟載在祀典者又如名賢專祠向祀正神各廟均得備書至於村坊報賽之常與一切無稽淫祀雖盛不登塚墓惟載宦達名流及科甲出身任知縣守備以上者

一 寺觀現存者凡經營所自捐脩募脩皆據實核登但 功令禁稱施主卽獨力創始止書捐助

一 新舊藝文必關本邑利弊建置始末及扶裨政教表彰潛德乃著於篇他如風雲月露之詞酬應遣懷之作雖工弗錄詩志收詩頗濫茲擇其尤嘗變知味不在多也間有補輯皆別見梓行本或碑刻爲當時采訪所不及者雜記蒐輯軼聞亦寓激勸一切誕怪悖常者不錄

一 志書各卷例有小序意凡語複千手雷同況既有凡例逐條舉要而復加茲重戴史通所譏疊墻架屋無乃太甚者也惟水利念經久之規減賦仰

恩膏之需風俗深懷古道人物稍變舊章畧加弁語見意餘槩從省以歸簡約


圖說

輿圖山川表也故志乘首焉萬載介吳楚之交其山嵯峨其水盤屈西北重嶺疊嶂路歧境阻更為一邑險隘舊志山無脈絡水無源流方位失次遐邇乖舛鄉都墟市險要並闕覽者病之竊嘗親詣各鄉徧歷鄰境升高窮僻指畫心籌歷有年所做句股法縱橫斜直互相參對準以開方作飛鳥圖於是源委脈絡遠近險夷居然可睹至城池以衛民生公署以施政教 學宮 文昌廟武廟並崇道之區書院試舍以育才選俊皆建置之大者次第圖之如左

高村李光宇識時年七十四

城池建置形勝圖

人富富富富富



蜀江西南


圖

三

三十二

二

公廨圖





龍河書院圖





高車馬路一其有元


考棚圖



文昌宮圖



武廟圖



萬載縣土著志卷一

星野 氣候附

星紀斗牽牛也

爾雅釋天

斗牽牛者日月五星之所經始古謂

之星紀 郭璞注

自南斗十二度至須女七度為星紀於辰在丑吳越之分野屬

揚州 晉書天文志

按此以十二次言萬載當在星紀次

吳地斗分野也今之會稽九江丹陽豫章廬江廣陵六安臨淮

郡盡吳分 漢書地理志

南昌饒州廣信南康建昌撫州臨江吉安瑞州袁州贛州南安



天文斗分野九江斗牛分野 明一統志

據此則瑞袁兩郡並斗分野乃瑞志因晉隆安水災以爲太陰犯牽牛之應舊志據之遂謂萬古筠轄約在斗牛二星間誤矣筠與九江不接壤也府志云吳分長沙立安成郡晉以安成屬荊州故袁獨兼翼軫之分然宜春在漢時與建成同隸豫章固吳域也惟萍鄉當兼楚地耳

斗牽牛須女吳越揚州豫章入斗十度 晉書天文志

斗六星二十五度吳分野南康臨江袁州南安入斗四度 安志

北方南斗六星南星者魁星也北星杓也石申曰魁第一主吳

二會稽三丹陽四豫章五廬江六九江 宋史天文志

據此則以南斗言之萬載當占第四星

春秋緯文耀鉤云蒙山以東至南江會稽震澤徐揚之州屬權

星 賈公彥周官正義

北斗第四星曰權於時主水其分爲吳 宋史天文志

此以九州屬北斗也星有七州有九宛青徐揚并屬故也

萬載故隸揚當屬權星

吳楚之疆候在熒惑占於烏衡 史記天官書

星經曰熒惑主霍山揚州荊州交州又曰辰星主斗牛女虛危

室壁 後漢書天文志注

按此以五星言之萬載次當辰星占熒惑

又按歷代所占豫章應斗者十之六五應牛者十之二三翼軫無之袁州之占屢驗於斗如梁大同五年彗出南斗占應劉敬躬陳天嘉四年太白入南斗占應安成王宋乾道二年月入斗又犯權星占應夏皇后元至正十一年太陰犯斗宿距星太白犯斗西第二星占應徐壽輝確鑿可據今惟以南斗中之第四星為主而北斗之權星及五曜之熒惑星以次附焉

氣候

萬載當郡北更北則寧州境東接望蔡西控衡湘南抵臨吉邑在萬山間縣治夾水而城山川秀麗風氣和平攷北極京師出地四十度正度中綫省垣出地二十八度四十分偏西一度五十分郡城出地二十七度偏西二度一十分萬載出地二十八度一十分偏西二度一十五分太陽出入秋分後春分前較京師應長四刻三四分較省垣長三分較郡城短三分四分春分後秋分前短長反是而氣候亦因以異冬至始寒下雪間有積至尺深者或雨霰交集同雲若霽爲開雪眼盆蓋薄冰見陽輒釋季冬寒氣襲人冰最易結簷雷間有冰筋俗云小寒大寒滴水成團春初立餘寒未散每不減冬時俗謂之倒春寒又云一冬無雨雪盡在正二月正月十六宜晴俗云雨打殘燈盞早禾一把耨二十日宜雨俗以此日爲寒

婆拾柴雨水陰霾多而晴霽少棉衣單袷早晚異宜近驚蟄多寒俗謂之凍驚蟄春分喜在社後俗云先社後分米穀價鈍先分後社米穀長價清明天氣始和俗云清明斷霜社斷雪桐花初放俗云桐樹花開便浸種有攔社種清明種諸名浸種多在二月末三月初俗云三月清明前二月清明後清明日宜晴俗云光清明暗穀雨穀雨擇薑娘栽之俟生子薑先取薑娘以供食料俗云穀雨栽薑夏至取娘又云穀雨打死筍俗以筍之不成竹者爲死筍滿腹琅玕此其時也立夏或在三月則歲必歉俗云四月無立夏新穀糶過陳穀價立夏後農忙天氣或冷俗謂之栽禾寒竹黃可斫俗云竹黃不吃小滿水小滿宜雨俗云小滿不滿芒種不管又云芒種芒出夏至禾出是時梅雨蒸溽俗稱爛梅天磚石墻礎皆潤遇雨輒寒俗云吃了端午糗寒衣方可送午日爲藥王曬藥喜雨前後亦多雨川谷驟漲俗謂之端陽水又以十三日爲關王磨刀水芒種宜晴俗云芒種火燒天夏至雨綿綿夏至後九日驟雨或連日雨俗謂之夏九釀又云夏至不下高田在耙每以去歲冬至日占之冬至晴一日夏至晴一七夏至後逢辰日爲分龍視此日晴雨定雌雄雌恆雨雄恆晴晴雨隔半里各別俗呼爲過路雨雨不經時俗又云春無三日晴夏無三日雨六月六日不宜雨雨則生蟲俗以此日爲播官節

早禾以次可收俗云小暑將大暑割又云手把禾頭七十工
蓋自分秧至此恰七十日也立秋熱甚較三伏尤燥烈俗謂
之秋老虎種豆宜早俗云處暑後莫種豆菘麥處暑後可種
俗云處暑安蕎白露看苗又云白露白茫茫蕎麥芑過行時
有蒹葭風起稍涼俗謂之凍桂或連旬陰晦俗謂之八月弄
寒燠最難調俗云白露秋分節夜寒日裏熱社日宜雨俗云
春社無雨莫耕田秋社無雨莫種園晚稻至此結穗俗云寒
露不勾頭割將歸來喂老牛茶子可拾俗云茶子不空樹蓋
以核方摘而花已開也苧一歲三刈四月刈者爲春苧六月
刈者爲月苧寒露刈者爲寒苧大田收穫皆趁霜降前俗云
霜降不打禾一夜落一籬十月宜霜俗云十月無霜確回無
糠自十月至十二月每初八有霜爲半斤十六有霜爲一斤
得霜三斤來歲必稔立冬日尤喜晴俗云立冬有雨無路行
又以九月初九十九二十九爲三陽有三陽無雨一冬晴之
占晴久天氣必暖俗呼爲小陽春日漸短俗云小雪大雪煮
飯不徹大抵五鄉山水盤礴噴湧縣城漸就平曠氣候亦微
有異視月令所紀合者半不合者亦半元鳥至多在二月鴻
雁來亦愆一月期北鄉又多在明春正二月入冬蟲蠕蠕然
動未嘗蟄也桂花九月最盛菊花亦多後時冬月桃李重開
蜂蝶羣飛不爲異六月少雨所謂水潦盛昌者殊不然此其

大概也

萬載縣土著志卷二

沿革

夏禹宅九州屬揚州

禹貢淮海惟揚州孔安國曰北據淮南距海漢書地理志注

吳地三郡皆屬揚州

商祖甲二十八祀屬吳

通鑑是年泰伯奔吳史記世家泰伯之荆蠻自號句吳

周元王四年屬越

史記表是年越滅吳世家正義袁吉虔撫歛宣並越西境

顯王三十六年屬楚

史記世家是年楚威王滅越盡取故吳地徐廣作四十六年
誤

秦始皇二十六年隸九江郡

按史記是年分天下爲三十六郡有九江長沙然建成後
隸豫章考漢豫章郡有九江地無長沙地意初割屬時未
應遽大紛更故王莽時卽名豫章曰九江因秦舊也斷從
九江爲是

漢高帝漢王元年屬九江王國

史記本紀是年項羽立當陽君黥布爲九江王

四年屬淮南王國

本紀是年立武王英布爲淮南王本傳布遂剖符爲淮南王
九江廬江衡山豫章皆屬焉

按漢書本紀五年詔以長沙豫章象郡桂林南海立番君
芮爲長沙王而史記不載考史記高祖紀五年徙封齊王
信等明言淮南王布燕王趙王皆如故是淮南封地未嘗
割以他屬矣而漢書灌嬰傳有遂定吳地豫章會稽郡語
乃在滅項之後何相盪也據漢書五年後當屬長沙據史
記則終布之世當屬淮南又考漢書紀十二年封南海王
織注文穎曰高祖五年以象郡桂林南海長沙立吳芮爲
王不言豫章疑漢本或有衍文故不從兩屬而附所疑於

高平縣志卷之二
此容齋隨筆謂豫章屬吳王亦據史記蓋潁封在布滅後
六年置建成縣隸豫章郡

漢書地理志豫章郡領縣十八其十二曰建成注蜀水東至
南昌入湖此縣地爲建成之證雷次宗豫章記建成縣高帝
六年置

新莽改名多聚縣隸郡名九江

地理志注豫章郡莽曰九江建成莽曰多聚

東漢世祖建武元年復名建成隸豫章郡

後漢郡國志是年郡縣均復舊名郡二十一城建成第一
靈帝中平年置上蔡縣

按上蔡縣郡國志注中平年立太平寰宇記後漢靈帝析
建成置孫吳增置陽樂宜豐二縣晉武帝太康元年上蔡
改名望蔡因改陽樂爲康樂又云豐城此蓋宜豐之訛縣吳太帝

自上蔡縣分置陽樂縣吳太帝於上蔡縣分置廣輿記上
高晉望蔡新昌吳宜豐萬載吳陽樂據此則陽樂宜豐俱
上蔡分地雖上高新昌東境割隸莫考而陽樂未置縣時
萬境固全隸上蔡也

孫吳太帝黃武中置陽樂縣

輿地廣記陽樂縣吳黃武中置

晉武帝太康元年改名康樂縣

見前引寰宇記 晉書地理志豫章郡統縣十六康樂第十

二

惠帝元康元年割屬江州都督

晉書地理志是年割揚州之豫章荊州之武昌云云合十郡

因江水之名置江州

成帝咸和四年為伯國

本紀列傳陶回以是年封康樂伯

按漢書百官表列侯所食縣曰國皇后公主所食曰邑隋

書縣為國曰相大縣為令小縣為長國邑縣制各不同正

沿革之大者各志俱缺此條

武帝大元十年為公國

本紀是年冬十月丁亥封謝元康樂公

宋武帝永初元年為侯國

宋書謝靈運傳是年降公爵為侯

孝武帝時為公主食邑

南齊書徐孝嗣傳宋孝武時尚康樂公主

南齊高帝建元元年為侯國

李安民傳太祖即位封康樂侯

梁元帝承聖中為公國

陳書侯瑱傳承聖中封康樂公

按黃法甌傳梁敬帝太平元年割江州四郡置高州以法甌都督諸軍事陳本紀天嘉四年罷高州隸入江州攷梁本紀太清二年高州刺史李遷仕帥軍入援是太平前已有高州陳南康王傳禎明二年高州刺史戴智烈將五百騎迎方慶則終陳之世有高州也廢置說皆可疑而南昌志實以巴山臨川安成豫章四郡未知所據今不從

陳文帝天嘉三年爲侯國

始興王叔陵傳是年封康樂侯

按本紀天嘉六年九月癸未罷豫章郡是月新作大航蓋罷郡所作航非罷郡也南昌府志誤分句讀致沿革內直

書是年罷郡攷本紀宣帝大建元年正月皇子叔英改封豫章王五年六月豫章內史程文季克涇州城六年三月申租稅詔旣曰豫章等六郡大建五年田租又曰豫章大建四年田稅則大建時尙有豫章郡未罷明甚

隋文帝開皇九年併入建成縣隸洪州總管府

寰宇記 是年廢望蔡康樂宜豐縣歸建成

煬帝大業二年仍隸豫章郡

隋書志是年廢總管仍爲郡

唐高祖武德五年復置陽樂縣隸靖州

新唐書志注是年更建成名高安置靖州又置望蔡華陽宜

高唐縣志卷之二
五
豐陽樂四縣

七年隸筠州

唐志注七年曰米州又更名筠州

八年并入高安隸洪州都督府

唐志注八年筠州廢省陽樂等四縣入高安來屬洪州豫章郡

太宗貞觀元年屬江南道

唐志是年分天下爲十道八曰江南道

元宗開元二十一年分屬江南西道採訪使

唐志是年分江南爲東西道置採訪使檢察如漢刺史洪州

屬江南西道

哀宗天祐三年屬楊吳

新五代史吳世家是年九月吳王楊渥克洪州

楊吳天祐間置萬載場

按吳王分高安之萬載鄉置萬載場因鄉以名場萬載之

名昉此舊志年代舛誤今訂正

順義元年置萬載縣

按安志李守郡志是年分高安四鄉

寰宇記進城康樂高侯萬載等鄉置

萬載縣屬洪州萬載立縣實昉此

南唐保大十年割隸筠州

按安志李志是年升高安為筠州遂以萬載縣為筠屬邑
又按寰宇記萬載縣去州一百里舊五鄉今四鄉本高安縣地偽吳順

義元年分高安進城康樂高侯等四鄉置萬載場因其鄉
以名其地偽唐保大十年升高安縣為筠州遂升萬載場
為縣以屬焉據此則屬筠之日始升場為縣也攷五代史
職方攷云筠州南唐李景置割洪州之高安上高萬載清
江四縣為屬而治高安南唐世家云保大十年分洪州之
高安清江萬載上高四縣地置筠州夫曰割縣為屬曰分
縣置州則萬載屬洪時已為縣明矣十國春秋云南唐保
大十年正月復置筠州於高安領縣四附注云楊吳置萬

載屬洪州一本誤作袁

南唐時來屬筠州則與安志李志順義

元年置縣文合置場應在順義前升縣即在割鄉時樂氏
誤以割鄉為置場耳攷升場為縣不獨萬載如靖安上高
德興安仁鉛山上猶龍南石城金谿比比皆是當置場之
始惟聞析地立場未聞割數鄉屬之者惟金谿場嘗并白
馬一鄉此殆因場地附近或阮治所必資若萬載場置於
萬載鄉自有鐵山且僻在西境西豈能遠馭四鄉然則四
鄉之分實立縣非置場也徐昇修縣治記亦踵其謬今參
考史書斷從安志李志云

宋太祖開寶八年隸袁州為緊縣屬江西路

萬壽縣志卷二
宋史及府志九域志是年平江南得州十九袁其一萬載自
筠州來屬

徽宗宣和三年更名建成縣

宋史是年改名

高宗紹興元年復名萬載縣

宋史是年復今名

元世祖至元十三年隸袁州安撫司

元史地理志是年袁州置安撫司

十四年隸袁州總管府屬湖南行省

元史是年改總管府設錄事司隸湖南

十九年隸袁州路屬江西行省

元地理志是年升路隸江西百官志二十年定十萬戶之上

爲上路設正三品達魯噶齊

舊史作達魯花赤遵
欽定本更正

明太祖二年七月隸袁州府

郡李志及清江志太祖於元至正二十二年春平江西二十

四年七月改袁州路爲府

洪武九年屬湖西道

明史是年置江西等處承宣布政使司分五道

國朝順治二年仍隸袁州府屬湖西道

按康熙七年湖西道裁十四年復設二十一年復裁

雍正九年四月屬驛鹽道

江西通志是年以驛鹽道兼巡道

萬載縣土著志卷三

形勢

在吳之頭楚之尾山高水清禾穀豐碩

宋羅誘傳信錄序

地勢隱然負山帶江

徐昇縣治記

山水清隩風氣厚密

歐陽元緒修記

其地山多田少河道縈窄灘險石峻艱於輸運

嘉靖志

萬載當郡北更北則寧州境東上高西瀏陽鷺鶴諸峯障之

郭子

章郡邑表說

萬巖邑也其山嶺崿而嵯峨其水縈紆而緣波

袁業泗萬載志序

袁州地逼長沙通民客戶頗難稽察

潛確類書引桂萼語

倚官山環龍河筆架盤旋虹橋轟起 彭天補學記

康樂邑萬山中四顧巉巖峯崿兩河直貫城市 鍾价城垣記

上通潭鄂下達筠洪南抵臨吉 曾宜勉浮橋記

鷺峯鶴嶺左右屹立月臺紫蓋前後橫陳 王子音今古地理述

天馬南來太陽北峙浮樓聳秀於東郊卓筆凌雲於西鄙烏溪

竹洞流匯城心錦水蜀江波環治後作西江之屏障扼南楚

之咽喉

隘塞附

鐵山界在縣西一百二十里西連瀏陽南通萍鄉醴陵毗鄰三

關九嶂為正西要道前代賊寇侵掠多由此入境明時設巡

檢司置弓兵於此與黃圃安樂梅園各司互為聲援

界嶺在縣西北一百二十里為通楚孔道西接旂焰大綱東北

連九龍層峯邃谷湖湘有事則此地為西北鎖鑰東有演武

廳蓋前朝扼要防守處也今設汛置兵以時稽察

三界尖在縣西北一百三十里以北界義寧西界瀏陽得名與

鄧公嶺相連數十里砧谷層峯鳥道一髮為西北隘口攻守

者所必爭

天井窩在縣西北一百二十里環窩數十里皆峻山西達瀏陽

北界義寧惟金鈎嶺阿彌陀佛嶺有大小二道可通往來窩

口三關天險壁立明時巨盜李大鑿楊青山麻棚邱仰寰盧

南陽均嘯聚其中大爲縣害宋元豐中設巡檢司於高村明
萬厯初改立黎源哨今仍舊

太陽山在縣北一百三十里北界義寧東鄰新昌黃蘗之首峯
也與天井窩黃岡洞東西相通其石蹬千級者爲銅鼓營之
捷徑宵小多出沒於此

按邑治偏東南隅宜春上高接壤平曠無由伏莽惟西北
崇山峻嶺與楚爲鄰深林密箐最易藏奸舊志不錄隘塞
陳志列武備志內載有鄢玉寨黎源哨雞籠營房今惟黎
源哨存餘詳古蹟兵衛志

萬載縣土著志卷四

城池 豐城坊市都督附

古城在今治東北四十里羅城孫吳黃武中建名陽樂城晉改

康樂因之 詳古蹟 唐時徙龍山下卽今縣治 嘉定志 自是迄宋脩

建無攷惟徐昇修縣治記有劇賊據郭郭語知宋時有城也

元季劉仁據縣另築城邑東隅爲四門周圍五里 今建城坊 明初

仁弟敬歸服城遂廢僅存北門城樓設牌柵爲防護正德六

年華林盜起知縣陸璫議建城以調去八年知縣王甸就水

西立子城三門東雙虹西勝跡南南浦十三年知縣張邦毅

合東西置城築土垣架木覆瓦高丈餘下廣一丈四尺上廣

八尺東西相距二里南北一里延袤一千二百三十一丈共約六里二百步立七門石砌其四各建樓三間東朝京南南浦西錦衣北龍江又小南門小北門小龍江門惟龍江烏石江隔流龍江因石橋烏石用木柵以屬於城未幾龍江橋決嘉靖元年知縣盧秉章脩復之左右設二小門一通大北門外水次倉一通龍河渡後為龍河哨於烏石柵右開一小門通東岐等處後為仁和哨又名烏溪哨二十二年知府范欽縣李參諭邑義民修城不踰月工完改東門曰通吳西適楚南朝陽北拱辰各小門仍故四十三年署縣推官郭諫臣重脩萬厯初知府鄭惇典先後檄縣徐一唯陳王廷修葺門樓更額迎春適楚萬

春望闕嗣知縣盛廷效及署縣教諭鍾以召次第繕完易以磚石改額四門東元生南亭育西利收北貞藏十五年李大鑾兵變後知縣張履中申請修葺動支錢糧千餘金四十二年知縣倫應祥支官銀二百六十五兩四十六年知縣姚繼舜支備補銀五十七兩天啟五年知縣石柱國支備補銀及自理紙贖銀一百五十餘兩崇禎二年知縣李世瑀支自理紙贖銀五十九兩先後修築旋築旋圯其龍河烏溪二哨尤當水衝木柵不時更換中間廩生譚經濟重修龍河橋改三洞為一崇禎五年流寇逼吉安知府田有年捐俸二十兩首倡修城知縣韋明傑以支餘備補及新任雜費等項共一百

二兩有奇又自捐四十兩葺其役烏溪易石柵龍河重建左
關麗譙八年五月久雨城復壞十五年天井窩賊起連年被
兵未遑修葺

國朝康熙三年知府李芳春躬行按閱請於巡撫董衛國守道
施閏章率知縣范廷鳳等各捐俸爲脩費樓櫓屹然南浦龍
河烏溪並設木柵十三年後棚寇陷城二次知縣吳自肅捐
貲設柵三十六所十八年二十一年知縣常維楨捐俸兩次
補其爲水齧者而建樓砌堞焉雍正七年知縣許松佶葺完
三十餘丈新四門城樓更額東朝陽南文明西阜成北拱極
工未竣調去乾隆八年知縣嚴在昌請帑興脩計周千一百

六十四丈高一丈加女牆五尺厚七尺堞口千一百六十四
箇窩舖十六間費金三千有奇爲大門四小門五其三水門
皆屬以石橋設柵爲防道光三年署縣楊獻弼捐建東門城
樓六年知縣陳文衡捐建南門城樓改額迎薰

地外無池然水管頭水穿東北城烏石江水穿烏溪門竹山
洞田北郭村諸水穿南浦橋毛家沖水穿西南城北壇水穿
北城俱入龍江北達蜀江濬池爲衛因勢利導易易也

舊志跋云郡志實載動支官項修理不干於民民旣苦於
力詘官亦難於屢支諸山水勢旣以城爲壑補苴塗飾又
以動支官銀爲壑是城實漏卮也又云城內外隙地各丈

有奇被奸宄侵削致基薄易傾甚而以屋貼城圍土傍城不通馬足卒然有警與無城同欲頓復舊址址未復而怨已叢矣由是觀之城工正未易議也

疆域

治城偏居縣境東南在府治北八十里廣一百三十五里袤一百一十五里四至八到以治城為準

東至瑞州府上高界一十五里以櫟頭山

即今茶亭嶺

為界自界到

上高縣九十里

按嘉定志洪武志此界同明一統志亦界櫟頭山但誤作三十里安志櫟頭山在上高縣西一百里謝志以墮落江

為界俱誤墮落江即大樂岡尚在界內五里

西至湖南長沙府瀏陽界一百二十里以鐵山為界自界到瀏陽縣一百二十里

按嘉定志元一統志謝志府縣舊志俱界棖樹嶺誤嶺故在邑西北隅也今從洪武志鐵山為界瀏陽志鐵山界在縣南一百二十里界江西萬載縣

南至本府宜春界一十五里以周家市萬石腦為界自界到宜春縣七十五里

按洪武志作周家市通志嘉定志李志邑舊志俱作甘泉市名異地同也攷宜春志北至萬載亂石里為界六十五

里嘉定志元一統志並同又按宋杜綰雲林石譜萬載縣去縣十餘里石無數出野田間地名亂石里實不止十餘里杜譜誤

即今八角亭也亭故梁尚存題為宜萬二邑同修知宋元分界在此明時始改今界耳今從洪武志府陳志缺此界

北至南昌府義寧州界一百里以大陽嶺為界自界到州一百八十里

按嘉定志元一統志府縣舊志俱誤作一百八十里穀皮嶺為界今穀皮嶺實在境內二十餘里里數懸殊並非分界故從洪武志作大陽嶺但洪武志舊志以此界為西北方位不合正之

東南至瑞州府上高界一十五里以石灰嶺南塘凹為界自界到上高縣一百一十五里

按嘉定志東南到分宜縣石灰嶺界十五里府縣舊志俱同今此界接壤上高正之 又按舊志成俗上里三都三圖載有江南攷江南北境久隸上高此所載蓋指仙姑嶺北江西南境與二都一圖黃家嶺毗連者耳其以仙姑嶺脊分水為界殆近時方被侵削歟賦稅有常而疆域日狹必有受其病者然不可究詰矣

西南至本府宜春界九十里以亂石嶺為界自界到宜春縣九十里

按洪武志西南到萍鄉界株木橋今此界實不接萍鄉或明時邑境如是茲從嘉定志府縣舊志作宜春縣界但舊載千秋嶺悞 又按荊州記淥水出豫章康樂縣府志萍鄉縣北七十里上栗市有淥水洞又云栗市江源出楚山由上栗市至香水渡趨淥口據此則上栗市舊固縣境又萍志東北境有康樂里與萬載鄉毗連必其地曾隸康樂故以名里又陳節墓志云葬高安縣萬載鄉新賢里錢田村原今乃爲宜春輦下知往時縣境甚廣漸割屬鄰封耳東北至瑞州府新昌界六十里以皂山連香嶺爲界自界到新昌縣五十里

按嘉定志界同惟悞作五十里至連香嶺舊志亦然連香嶺一名香源四府志香訛昌

西北至湖南長沙府瀏陽界一百二十里以椴樹嶺爲界自界到瀏陽縣一百二十里

按嘉定志府縣舊志作峯子嶺今進城鄉嶺裏里有楓梓廟前當卽其地通志作龍圖廟二地俱在正西與洪武志以正北之大陽嶺爲此界者同一誤也

自縣出東門至省城計程三百六十里至京師計程四千二百一十里

按通志以東至爲東陸大路西至爲小陸路南至爲南陸

大路西北為西陸大路雖非四至八到成式於連界相通
道路頗便觀覽然八到俱有小陸路如西北往義寧東北
往新昌東南往上高分宜西南繇後槎往宜春皆是也通
志未詳而西至界瀏陽又誤云自縣出北門過龍河渡亦
與方隅道塗不合此編據現在地境畧加訂正又通志兼
列水路舊志缺載補錄於後

一自縣治龍河渡往上一百四十里至棗木橋宜春縣渺蕪嶺
發源交界止一自龍河渡往下三十里至埠頭上高縣交界

坊

水東岸

建城坊

邑治東門內外 九仙宮 茶山橋路下 菓子窩
小嶺亭 打油巷 舊志治東有游家巷疑即此

安仁坊

治東北 九仙塘 孚惠廟前 百歲坊 錢家嶺
後塘沖 舊志李徵古居此得名

仁壽坊

治東北 小北關內外 廠塘 水口裏 西支埭
松樹腦 山峽沖臺

集賢坊

治北 周家塘塍上 雪洞裏 朱衣巷 舊志吳
澄虞集揭後斯歐陽元嘗集黃壁家故名

康樂坊

大北關內龍河門內 柴巷口 雪洞裏 華山頭
巷 王家山 譚家巷 林家巷 舊有散家巷廢

龍江坊

大北關外龍河門外 水府祠 馬腦山 龍江亭
竹山 大路 何家巷 涼亭巷

興仁坊

治北 雙虹橋務前街 楊家山巷中街上截右
林家山巷中街下截右 舊志坊在果巷口廖淇居
此有孝子坊廢

福壽坊

治東南 後街裏 營房側巷 文明塔下 水坑
裏 下岐祠 院山裏 雞籠山下 按黃冊為壽

山福海二坊章志已合為一又舊有徐家巷在壽山
坊廢

南浦坊 大南門內外 花園裏 吼裏塢 楮樹江橋

水西岸

明德坊 治西 衙前 翟家巷 達筆架山 龍江山巷 達司

背 倉前 學前 司背 鄧家巷 達衙背 在署西

錦衣坊 西門內外 冷家巷 在考棚後 烏柵欄 濠里

興賢坊 治南 再思橋 何家巷 南門嶺 江下 田下

宋家坊 治南 再思橋 何家巷 南門嶺 江下 田下

建安坊 治西北 靜安寺前 文昌閣下 林家磨

按嘉定志有孝義裕衆肅政雙桂四坊洪武志坊十六曰

絃歌崇文興仁康樂集賢福慶安仁福壽仁壽建城宣化

文昌孝義錦衣清寧興賢攷黃冊爲十九坊無絃歌崇文

興仁宣化孝義清寧別有濠嶺明德宋家南浦壽山福海

建安大田仁孝然總目無興仁而東隅三畝有興仁總目

有福壽大田而各畝無福壽大田蓋坊名時有更易舊志

仍十九今仁孝文昌濠嶺大田福慶皆廢所存惟十四

街

上街頭

衙前大街 明德坊東達倉前街西達天符廟街南達再思橋

學前文昌閣街 建安坊右達雙虹橋左直達靜安寺崇文

天符廟前街 錦衣坊直達西關章志有啟聖廟前街今不知

再思橋街 興賢坊直達小南門關

小南門城外街 宋家坊

大南門城外街 南浦坊

西門城外街 錦衣坊

下街頭

雙虹橋頭務前大街 興仁坊右達後街左達王家山明時設稅務所於此

後街 福壽坊陳家樓前左轉達城隍廟右達雙虹橋務前街

王家山大街 康樂坊東達柴巷口西達木橋頭街

朱衣巷口大街 集賢坊直達孚惠廟前街

孚惠廟前大街 安仁坊直達九仙塘街

東門城內外街 建城坊 舊志內為陶家嶺街

大北關城內外街 康樂坊龍江坊 舊志內為石臺山街

小北關城內外街 仁壽坊 舊志內為北路口街

市鎮

郭村市 在懷舊鄉距縣南八里

高城市 懷舊鄉縣西二十里

藍田市 懷舊鄉縣西四十五里

櫛樹潭鎮 萬載鄉縣西七十里

周陂橋市 萬載鄉黃茅縣西九十里

棗木橋市 萬載鄉縣西八十里

周家市 懷舊鄉縣南十五里

禮山市 懷舊鄉縣西三十里

潭埠市 萬載鄉縣西六十里

獲富市 萬載鄉縣西八十里

景衢市 萬載鄉縣西八十里

白水市 進城鄉縣西九十里

白楊店市

進城鄉縣西六十里

奇圍市

懷舊鄉縣西十五里今廢

牟村市

進城鄉縣西四十里

仙源市

進城鄉縣西七十里

上下花橋市

進城鄉縣西七十里

儲木橋市

進城鄉縣西七十里

清水塘市

進城鄉縣西六十里

槽頭市

進城鄉縣西六十里

丁田橋市

懷舊鄉縣北十里

裏裕市

歐桂西鄉三百里

白良橋市

歐桂西鄉縣北二十里

菱蕪市

歐桂西鄉縣北四十里

漳源市

歐桂東鄉麻田縣東北三十里

盧家洲市

歐桂東鄉縣東北四十里

蓮亭市

歐桂東鄉羅城縣北四十里

南園市

歐桂東鄉縣北五十里

高村市

歐桂東鄉縣北七十里

船埠潭市

歐桂東鄉縣西北一百里

西阮市

歐桂東鄉黎源縣西北一百二十里

縣下鎮

今廢

都置

萬邑立縣時統高侯萬載進城康樂四鄉南唐改高侯為懷舊

宋南渡後改康樂為歐桂旋分歐桂東西遂為五鄉其時城

統四坊鄉統二十八里明洪武初因鄉定區區設糧長四人

在城分二隅統十九坊為一區故有六區鄉分二十四都設

置凡一百有四置編十甲輪甲充長隅置曰坊長鄉置曰保

里正宏治八年知縣張文增西隅一置崇禎時知縣韋明傑

省二十四都一置數適相當

國初省城坊為十三餘俱仍舊

東隅為東都在水東岸統置四

一畷 安仁坊 建城坊

二畷 集賢坊 康樂坊 龍江坊

三畷 興仁坊 舊有福慶坊今併此

四畷 福壽坊 舊本二坊今併雍正審冊誤以明德入此畷今從舊志

西隅為西都在水西岸統畷四 原統三畷

一畷 明德坊 錦衣坊 審冊誤載興賢文昌今從舊志

二畷 興賢坊 舊有文昌坊今併入明德審冊有濠嶺今併此坊

三畷 南浦坊 宋家坊

四畷 建安坊 仁壽坊

懷舊鄉統九都三十一畷 原各高侯鄉因高胡侯陳夫乞也南唐以李徵古奉敕改

一都待賢下里統畷五

一畷 大樂岡 新田 上涂泉 嚴坑

二畷 大樂岡 泉陂 下涂泉 大板墩

三畷 高塘 煙塘 塔前 蓮塘

四畷 涂口 英山 大東樓 黃荆埭 丁田

五畷 小江西 長江上 石岐 李家渡 小東樓

二都成俗下里統畷四

一畷 東岐 黃家嶺 麻田埭 龍嵩埭 石神廟

二畷 呼田 棧下 黃土嶺 喬居 正源沖

三畷 多江 石陂 滕宇

四畷 湖上 龍河渡 南田 獅崙 江口

三都成俗上里統畷三 洪武志兼恩仁下里

一畷 田北 村背 石上 黃田 兩河山橋

二畷 馬步 銀山村 白沙 魯塘 穩塘

三畷 五里牌 冷家坊 張家塘 村背 江南 澹塘

四都待賢上里統畷二

一畷 周家市 郭村鋪 石溪 城塘墜 王家坊 下澤

二畷 田西沖 沙灘上 竹山洞 白洋湖 礮上 石笏裏 高田 帶塘

五都恩仁上里統畷三

一畷 黃村 小步 桃塢 開田

二畷 後塘 村頭 暑在坑 裏壑

三畷 炊藜 奇圃 白塔 村頭 竹渡 柴源

六都谷村里統畷三

一畷 谷源 礮下 高橋 雍江

二畷 緬村 何家邊 桃源 石舍頭

三畷 南窰 上巷 高田 蔣家渡

七都細村里統畷三

一畷 饒田 震陂 馬腦嶺 禾埠 岐圃

二畷 北窰 中村橋 梅源嶺 太平山 山田沖

三畷 鈴田 紹江 破田 龍埔頭 車上

八都營村里統箇四

原名高城里相傳高胡侯聚徒遺址南唐改孕秀

- 一箇 石陂頭 五家山 小江邊 深塘 茂上 昌橋

- 二箇 黃江 黃花布 瓦宅 金坑嶺 小田 陳家渡

- 三箇 高城 下院 李家園 官倉前 高橋

- 四箇 官莊 裏襖 涂家沖 下路塘 上襖

九都擢秀新賢二里統箇四

新賢本宋新與里屬萬載鄉洪武時改屬

- 一箇 橫山 井塘 磔上 山田 鍾家坊

- 二箇 太坪 磔山 破江 禮山 湯家坊 周嶺 上

- 三箇 小關嶺 樓隰 魯塘布 雲崑院前 新塘 鳳嶺

- 四箇 柴田 長水橋 藍田 山口 嶺東 田心

萬載鄉統四都十四箇

十都新開里統箇六

- 一箇 桐樹江 車陂頭 上豪田 嚴坪 下嵐 冷鋪前

- 二箇 沙江橋 池下 橫沖 惠林院前

- 三箇 何家源 陂田 灘下 湖塘 蕭家坊

- 四箇 竹山沖 小溪 陽塘 濠田 大埠頭 東邊山下

- 五箇 烏石塘 古湯 城下 路下 古蹟嶺 塘頭漿

- 六箇 高家坊 長塘源 歐江 潭埠 車田 大嶺下 雞冠石

十一都新賢外長安二里統箇三

一箇屬新賢外里二三箇長安里

- 一箇 高陂橋 長山裏 催田 發圍塘 麻塘步

二畝 馬蘭頭 朱溪橋 後桂 楮樹潭 上獲江
 獲富

三畝 朱嵐尖 亂石嶺 楊江橋 長安橋 獲富市

十二都新賢里統畝二原名親賢里宋時改

一畝 金鐘湖 查林垵 燒田垵 周陂橋 黃茅
 田寮裏 文家坊 觀音崙 軍屯裏 蓮城
 方家凹 張家坊

二畝 鐵山界 南源沖 楓子塘 白石 吹江 觀前
 甘家坊 朝天馬 大水源 廟背 黃茅 店前

十三都霞峯里統畝三宋名雲峯里

一畝 仙居橋 馬鞍嶺 邱家凹 南嶺 中羅 祁嶺
 石嶺下 李家坊

二畝 廖家嶺 楊家莊 丁家橋 源頭 泉塘 下羅
 詹家凹 石煙沖 獅子腦 南江 大陂 鏡山沖

三畝 東山下 彭家沖 古跡嶺 石塘 路下 東溪
 亭子嶺 長家沖 茶林沖 楮樹潭 羅絲橋

進城鄉統四都二十畝

十四都嶺裏嶺外二里統畝六一二三四畝屬嶺裏五六畝屬嶺外

一畝 西院 下南江 雞毛院 昌山 泉嶺裏

二畝 白水 石馬嶺 水林院 蔣沖 大莊 沙沖

三畝 排江 石腦背 東阮沖 昌山 昌集沖

四畝 界嶺 老山下 桃樹 楓梓廟前

五畝 浩石 楓林頭 長塘 江心 火天

六畝 蘇溪 荷嶺 宋源 浩石

十五都宣教里統畝四宋名宣德里

一畝 柵上 昌田 水南 晏公廟前

二畝 新田 窪裏 書堂 山口 汶江

三畝 鏡山 白楊 礫下 下陂 郭山

四畝 花橋 礫上 南源沖 小洞嶺

十六都龍田牟源上太平三里統畝六一二畝龍田三四五畝牟源六畝上太平

一畝 龍田 官院 石壁 九里坵 院下 柏樹下

二畝 清水塘 九龍山 新市 礫裏 船埠頭 淳上

三畝 楓林墩 廣洞橋 山下 城上 洞嶺下

四畝 西峯大嶂 桑寮 小源 仙源村

五畝 石馬嶺 上東江 謝山嶺下

六畝 西江 箬坪 船埠嶺 嶺下 下東江

十七都陽和下太平二里統畝四一二畝陽和三四畝下太平陽和宋名陽龍

一畝 苦塘 山橋 裏源沖 仙塘 豐田

二畝 根車坵 上中下麻畚

三畝 大橋 山口 後樂沖 后塘

四畝 牟村 楊家坊

歐桂西鄉統三都十五畝本康樂鄉改名考吉安志歐陽修伯祖儀進士及第里閭榮之改所居安

德里為歐桂里吾邑鄉名之改殆因後人遷此故歟舊志不載存參

十八都歸化里統畝七宋有進賢里次歸化後

一畝 謝陂 高村院 謝山 上坪 南源

二畝 麥蕪 佛嶺下 西江橋

三畝 白良 衡江 早禾田 煙包山

四畝 廖巷 石井 茶園嶺 驢阮 桐陂

五畝 岐里 禾田 小阮埭 西埭

六畝 高田 奇江墩 土橋沖 喻家墩

七畝 旭田 水阮礪 雷塘埭 岳裏 福塘

十九都晉安里統畝二 洪武志誤作進賢里

一畝 平峯嶺 平樂橋 鄔家坊 澄渡 徐家坊

二畝 范塘 梅源 楓樹凹 丁田

二十都裏裕里統畝六 宋名裏喻洪武志誤進安

一畝 花塘 徐家坊 銀田 古橋 易家腦

二畝 湖源 雷塘埭 逍遙觀前

三畝 裏裕街 平山頭 關城上 鄔家坊 銀田

四畝 明江 關源 上洞 西源 十八洞 礪裏 礪下

五畝 西陂 小洲上 鄔家車 赤陂

六畝 均車 赤陂 石蛇 沙潭

歐桂東鄉統四都十六畝 原名康樂

二十一都康樂里統畝四

一畝 漳源 桃源石 陶家坊 菖蒲墩 慈溪

二畝 鍾家坊 蓮花墩 漆棚裏 新塘山 長園墩

三畝 雙槐樹 岐山 杭橋 武家嘴 楊家畚 廟前 樂阮

四畝 橋頭 小木 段家 何家

二十二都蓮亭里統畝四

一畝 觀上 塔村 郭前 徐家

二畝 徧源 軍屯 盧婆嶺 彭家園

三畝 橋埠 愁田 蓮亭 竹頭 嚴坪

四畝 羅城 山田 高車 湖溪 杭里 橋埠 茜阮

二十三都藏溪里統畝五

一畝 環溪嶺 厲公陂 布溪

二畝 淳江 皂山 南園

三畝 藏溪 三峯院 麻石阮

四畝 澗田 虎符 焙下 何家洲 橫阮 袁家山

五畝 岐源 楓樹墩 桃梅洞 長橫里 小溪阮

二十四都高村歸遠二里統畝三
原四畝明末省二畝屬高村
一三畝屬歸遠舊志皆誤

一畝 漸網洲 固山 黎源 西阮

二畝 高村 煙竹 鳳凰洲 船埠潭 富財洲

三畝 巖田 故山 上坪 大坳 板阮 周家源

附錄客籍不得城居案

乾隆十九年客籍監生馬之驥謝鴻儒等買康樂坊宋元菁屋以文公書院為名擬建會館經貢生辛汝勳汪朝祖生員韓大學等歷陳棚民之害控沮知縣朱封屋出示禁棚民往來生事二十年後買花園裏唐魁選等眾屋唐光華等出控知縣張批令之驥等不得在城建塾滋事宋唐二宅斷回追價飭領詳府完案故迄今客籍無城居者批詞錄後

知縣張批建設義塾立詞未始不正但揣之該生等之本心豈欲爾容籍讀書者求聖賢之道乎抑欲與土籍樹萬年之敵乎若欲求道而先陷於爭訟匍匐公庭而不已此本縣所不取若欲樹敵則是以容籍而欺土籍此本縣所不許爾何不思爾等之衣食何自而飽煖有萬載而後安居也不以萬載為德而反子孫何自而安居有萬載而後安居也不以萬載為德而反以為讐不俯首下心以相讓反恃

朝廷格外之恩以與之爭亦大不安分矣夫

所以另設棚籍之廩增附者原不欲爾等多事也而今藉此增附應建義學從之他日曰我有廩增附另立學宮則亦將從之乎他日又曰我棚民與土著人相埒地相埒入學額應與土著等則又將從之乎踵事增華伊於胡底充其無厭之心勢將盡萬載而有之方以為快縱該生等未必有此深心而其漸實不得不杜其微實不得不防若夫幸汝勸等出詞誣枉焚燬神牌不能無罪該生等務須仰體

朝廷

息事安民至意安分讀書無馳薦義學之虛名而忘求道之實際孟子云子歸而求之有餘師則何必義學而後可以求道乎總之不建客籍之義學此隙或可歷久而漸泯一建義學將來土客之混爭殊未有已時而爾等客籍斷不能安居

飽煖於世世本縣非偏袒土著而實為爾容籍計之深也其

宋元菁等所得價銀候追領
府憲陳批設立義學例應通詳批允方許興建馬之驥等假立義學各色誑買未清之產倡建會館未遂架以糾眾焚牌大題捏詞妄控均干法紀本應親提嚴審治以誣告加等之條姑念事因買賣細故免其深求仰將唐魁選等所繳銀兩并宋元菁原得價銀照數追出給領仍取馬之驥等不許借義學名色私創會館科派棚民遵依申送存案馬之驥等如敢抗違立即詳革嚴審究擬以為劣生假公濟私斂金滋事者戒 案存縣禮科

七

萬載縣土著志卷五

山川

山脈總畧

豫章之西五百餘里介吳楚之交羣山連亘形家指爲南次大幹焉其脈自南而北朱子所謂一支由袁筠而至廬阜者是也萬載諸山皆隨南幹分出遠脈自滇黔南楚至萍鄉之羅霄山難具述斷以宜春古神尖爲近祖其北行者卽大幹東出者爲分幹先就分幹言之自古神尖東行三十餘里入縣境爲東臺山厯亂石嶺鳳凰臺至大窩裏正脈東行起湯周山分支自左爲小嶺朱嵐尖大關嶺盡於潭埠湯周山分條

四北條為鴿子峯鄆玉寨東岡尖荷嶺又分為羅家寨五神嶺山田嶺猪婆嶺戴公尖南條入宜春境西條為九峯山東條起煉魔場為風門凹橫山大唐諸山 分幹承湯周東條正脈起馬腦寨東轉為長垣山又東北望府嶺長垣分支為香鑪山望府支為木星腦仙游崑東北入縣城起龍山 分幹自馬腦寨南東行起太原山又東南分支為白沙嶺天馬山銀山寨 湯周南條入宜境者東起圓嶺左分支由石灰嶺入縣境起仙姑嶺東北行起浮樓嶺仙姑分支南為屏山北為牙梳山雞籠山由月臺山入城浮樓分支為櫟頭山鸞鼻峯茶山腦茶山復分二支一為玉屏山一起梧桐岡入北

城此自西而南而東分幹諸支之散在縣境者

大幹自古神尖北行二十餘里稍西為太平關又北起幽蘭山入縣境為鐵山分支東行為懶人寨為石嶺巖為翁歸山自鐵山北行二十里為大綱山一名金鐘湖分幹西行為湖南省分支東南為七肩嶺自大綱山北東行十里為旂嶺山二十里龍界山陽洞嶺分支為天明山太皇山卓筆尖白水嶺書堂山自陽洞嶺北行八里為青山頭東分支為神嶺寨望峯嶺四十里山蚌蛇洞東降起陰阮嶺自青山頭西北六里東降為界嶺又東北起九龍山二十里鄧公嶺東分支為英公嶺抱古嶺南為三爪嶺抱古東起黃皮尖又東南起謝山分二

條北條起沙帽山盡煙竹南條起高低窩折爲受風山龍王
腦上藍山三峯尖轉紫蓋尖起文岡尖壺仙嶺東條起石峯
厯煙竹黃大蕪山分支爲虎頭尖更古山昌湖嶺五雷山張
公嶺大蕪東降爲芳阮嶺華蓋尖七星嶺北轉爲克巢寨南
行起清泉山又東爲披衣山又南游家嶺芳阮分支爲仙壇
尖雲芒山華蓋分支爲平山頭陶逸崑七重山紗帽山雲峯
嶺游嶺分支爲大悲尖風雲嶺自鄧公嶺北行七里爲金盆
架分支爲銅鼓尖椽樹嶺金盆東北行七里爲松光尖折北
爲校車峽爲三界尖大幹經縣止此其東分幹出焉

距三界尖十五里爲天井欄山其南天井窩自天井欄東北行
爲金鉤嶺爲阿彌陀佛嶺太陽嶺南分支爲鼈花座椽樹嶺
及九頂山諸嶺九頂東降爲黃茅嶺楓城嶺和神嶺小源嶺
固山嶺雞公尖龍山天湖頂由龍山東南爲篁竹嶺并架山
雲頭尖芙蓉山環溪嶺 自太陽嶺東北行爲太陽山又南
爲湖祖凹左降爲東麝山仙鷺山湖祖分支爲鼓樓嶺仙鷺
分支左入新昌右爲虎頭尖三峯阮南折爲皂山分左支爲
香爐峯入新昌右支爲牛鬪山入上高
此分幹諸支之
散在縣境北者
諸山分紀 巖洞窩石各隨山脈附載

東臺山舊志云在縣西南九十里山皆石壁峭峻舊有護法院
在巖中後廢今獲富村有水閣山石壁上鐫東蒙峯三大字

詳古蹟志疑卽東臺易名

亂石嶺縣西九十里嶺南水入袁河嶺北水入蜀江乃由宜來
萬分幹過峽處也

靈棲巖亦名靈棲洞舊志在縣西九十里巖軒敞高數丈崇勝
寺居其左中二石分列如鐘鼓狀有泉自周公洞流過巖下
灌溉甚廣

周公洞舊志在靈棲巖東三里四圍松篁蓊鬱旁多奇峯怪石
或云昔有周姓隱居此

石鍋舊志縣西南九十里地名鍋泉潭有三巨石枕江澚石中
有泉天將雨雲氣自中起如炊煙

將軍石縣西七十里洋源村左右皆峻嶺中有溪澗石當其中
拔起數丈卓立如人

水晶巖舊志在縣西五十里地名嶺東峯頂山之西中有飛瀑
流瀉如濺玉歲旱禱焉

朱嵐尖縣西六十五里尖秀出羣旁多奇石

大關嶺縣西六十里俗呼大官嶺形若隘口爲江楚孔道其北
高峻東西分二山中有深箐可藏千人非土人不知爲複山
也有翠竹庵當道建亭以歇行人

湯周山卽峯頂山縣西四十里跨宜萬之間高十餘里首尾六
十里周迴四十八面自袁河以北蜀江以南枝峯四蔓皆祖

是山舊志云晉安帝時湯周二仙修道於此故名山上有觀
觀後有花園自園而上四里許有碁盤石上至山頂有試劍
石石上多題詠山高極目若不可窮每寒威初霽凝華積素
宛若畫圖爲縣八景之一曰湯周雪霽 山巔西峯爲白虎
嶺一名九峯北峯爲鴿子山西北爲鄢玉寨南峯爲如同寨正脈
起東峯爲煉魔場南郤爲風門凹有東庵在抱中卽月光寺
也直對武功千疊入懷山南高勝當爲第一相傳馬祖修煉
於此

禮山舊志在縣西三十里形如拱揖故名

金龜石嘉定志云在縣西三十里石當道傍其形如龜

長垣山湯周山東下二層山勢若牆垣乃牛婆嶺鶴嶺之統名
也

白塔山與香爐山相屬在縣西十五里有明真院白將軍墓又
舊志云在縣東南二里許地名下岐山低而小相傳白將軍
墓在焉舊有明真院巔有塔對學爲文筆峯今塔廢址存是
將兩處牽合爲一也

望府嶺縣西八里高可四里爲縣治後龍山之祖其巔當東北
面空曠無際可望古筠州又值縣城坤方亦名坤山舊志東
曙不及惟斜陽可到行者多息陰其下邑八景所謂坤山夕
照也

穩山在望府樓北嘉定志云兩山對峙中通徑路俗呼穩山關
木星腦亦名鶴嶺在望府樓北十里與馬腦嶺南北隔江對峙
爲上鄉關鎖

仙遊巖在木星腦東北麓下瀕蜀江舊志云石高數尋可容數
十人中有兩石色紺碧一形如鐘扣之其聲清越一形類道
士因稱仙人石今則鑿石成阬全失其形矣舊志載鶴嶺一
名洪岡嶺在邑西南二十里與仙遊巖相望是因長垣山有
鶴嶺遂誤爲牽合不知木星腦亦名鶴嶺也

叵囉石舊志在縣一里荷花池東山巖側有石高數尺上有孔
人吹之作叵囉聲迴風入竅亦然今縣西南有荷花塘豈其

地歟

赤硃岡舊志在縣西一里許社稷壇左舊產土硃今竭

龍山在縣治後

俗呼官山

其脈自湯周長垣望府諸山迤邐至此縣

署居其麓學宮在其東誠治城之鎮山也洪武志云其勢勃
巍來自衡霍其實衡在湖南湘水西霍在淮南江北俱不相
屬

筆架山在縣治東南二百步學前洲畔舊志屹立中流平突三

尖小石旁附狀類筆架旁有潭波瀾漣漪迴挽成紋與儒學

拱對於縣入景爲筆架迴瀾

古識云水打筆架穿龍江出狀元

竹山洞縣西南二十里舊志洞非丈尺計有水經其中爲學前

江源前後兩門深五里許內虛敞高丈許有石田石屋一石高三尺類塑像遊者自後洞入由前洞出禱雨輒應後五里有雲連洞亦與此洞相似舊志洞中澗內有石若門限以物分投之上如撞鐘下如擊鼓其中龍樓龍田臺閣旗幟之狀無不備臺上有隙透光滿洞明亮地皆白沙晶瑩奪目尋其水源自宜春之虹峴阮或隱或現至小石笏水自洞中出卽雲連洞也不數武復入洞中卽後洞也穿山腹東北約四里水又復出卽禱雨之前洞也自此流出成溪爲龍江三源之

一

太原山縣西南三十里宜春界高數里形如火燄尖秀拔翠爲

縣西南諸峯之首

靈虛洞

俗名牛鼻洞

縣西南十二里地名白洋湖舊志兩洞連環玲

瓏奇巧旁一大竅幽邃莫測土人云遇天陰時聞竅中作響

清嫋嘹唳非人間聲

龍潭三山一名白沙嶺在縣南稍西二十里宜春界三峯尖勢

若走旗北麓有龍潭亦名龍洞

天馬山縣南十五里兩峯對聳中有凹形如天馬騰空

靈光洞原名麝洞縣西南十五里田北村石山之麓洞口寬丈

許內宏敞有清泉流出

銀山縣南稍西十五里西面懸崖壁立石色潔白夕陽照之若

銀諺云銀萬載以嘉靖志有禪定院今廢山半有洞可容數百人昔人避寇其內構寨以居故山下村名寨下

牛嶺在縣南十二里蘇江沖山勢突出如牛首

董洞一名觀音洞在縣南十里郭村鋪西石山巉巖洞口初入

如斜巷中有石肖大士形

袁石宋杜綰雲林石譜云距萬載縣十餘里石無數出野田間

其質嶙峋微青色間多峯巒巖竇四向又有石罅中生小林

木荔鬱可喜或高三四尺或五六尺全如一大山氣勢其石

脈經行數百步不斷地名亂石里

石灰嶺縣東南十五里山石犖确有洞深邃莫測土人曾取石

煨灰因名嶺西北連石城山嶺下為山塘凹凹背倒水入上

高

屏山縣南十里秀整壁立若張屏然

仙姑嶺縣東南十五里府志山勢矗立尖秀如髻有祠建山巔

林箐叢密惟燒香者登焉

雞籠山縣東南五里舊志平地突起如雞籠狀下有小洞可容

數人有泉不竭山色四時變觀蒼翠可掬

月臺山城外南浦橋東岸山體圓如月狀四旁多石豹伏熊蹲

洪武志米穴在山之陽有數巨石相傳每旦出米人取以為

常一日有先往獨取者遂不復出前令陶建文昌閣於此後

廢

鷺鼻峯縣東十里高六七里聳拔開張望之如鷺展雙翅有昂首飛鳴之勢俗名鷺公鼻舊志元虞集愛此山若蜀中鷺鼻峯因以爲名縣八景鷺峯聳翠是也

小嶺樵歌亦八景之一嶺在縣東五里高數丈上建亭以憇行者舊志中通徑路樵蘇絡繹

梧桐岡北門外里許頂圓如覆釜四面如一西障蜀江南拱治城北連瞭高山喜鵲樓東有普濟庵府志孤特卓立龍江西繞宏敞可望邑人重九多登臨

翠巖一名陀岡石北城外百餘步今翠巖寺南有石崖依岡蒼翠可玩舊志石壁凌空面挹龍江窟下有穴噴泉清冽邑人彭顥構亭其次旁建龍溪書屋

馬腦山縣北里許山勢逆水而上若駿馬飲溪爲附城江山勝處

玉屏山縣東北八里塗泉村口府志秀整如屏左右有峯望之如女子倚立屏風然

浮樓嶺縣東十五里形若華蓋蔽障一方舊志巘岼秀麗兩山突出遠觀若樓浮雲中通志山峯秀拔下有小溪形似樓之浮水在上高未山之西半屬萬載

鐵山縣西百二十里乃南副大幹初經縣境之山也其產鐵

石嶺巖縣西八十里半壁有洞深數丈冬夏可避寒暑上有石樓若大匠削成俗呼龍巖洞

龍成巖縣西九十里地名梅陂舊志山勢聳特中有石室宋元祐間有獵者逐獸至其中得一獸骨頂巖然如角疑龍蛻骨也室中有石如列仙者十數下有石藥罈石鏡鏡叩有聲有石研巖溜注之墨橫其上筆在旁位置天然皆石也有石人坐白沙旁如鬻鹽狀或埽之其沙復積

大綱山縣西百里黃茅村西北高聳十餘里大幹自幽蘭山至此分幹西出爲湖南省此焉綱領故曰大綱分幹紐成小窪中有沮洳灌山田無幾所謂金鐘湖也

雲峯洞在大綱山東南其下爲黃茅村舊志洞門闊丈餘甚虛敞循紗而下則漸黑有石鐘石磬亦有如仙佛狀者內有澗產魚里人遇歲旱禱此輒應嘉定志亦云產魚兼產石燕祈禱者嘗窮其底以辰巳入出則日西矣

觀音崑在大綱山麓距雲峯里許石峯嶒峻有僧伽狀下有洞虛明清泉流出

陽洞嶺縣西一百里西通瀏陽南通白水山徑交錯

太皇山縣西北六十五里高可十餘里尖聳入雲洪武志古廟

嶺在縣西六十里昔人雩祭之所疑卽此山

六十五里指山麓言實八十里

卓筆尖縣西北九十里山峯尖聳如筆俗名銅鼓頂

高車縣志卷五
觀音洞縣西北七十里新田水口洞口豁然中闕內宏敞虛明
可布几席土人祀大士於此

神嶺寨縣西北七十五里牟源里高約五里頂平如臺昔人於
此避寇

望峯嶼縣西北六十里登其巔則四十里山諸峯厯厯在望

四十里山洪武志以山多得名縣西北六十五里首起排江尾

迄牟溪雙江口橫布一由甸山皆皂色石勢如屯軍布壘其

秀拔者若分水凹之游螺嶼石庵之三尖峯苦竹凹之上下

石郭山之將軍山皆卓如柱尖如筆府志謂盡石無土然山

麓窩內可種麻漆中間村落幽僻鳥道錯雜非久於其地者

出入茫然

蓮苞石縣西北四十里牟村橋西石尖突起丈餘嶙峋斑駁狀
如菡萏

蚺蛇洞在牟村西南五里山半有洞甚深遠罕有窮其奧者相
傳有大蛇死其中

九龍山縣西北九十里高八里東西長五十里首禪山卽大峙圍山

其後西爲界嶺演武亭東岬爲仙源村舊志山有九峯嵯峨

秀麗常有雲覆相傳有三人修道於此道成不知所之鄉人

因爲立祠又西峯下有九龍寺乾隆間佛殿猶存東峯下有

木魚寺今俱廢

抱古嶺在九龍山東十里南岬爲王居洞舊志王居洞地名小源曾有王姓隱居於中其洞僻遠人跡罕至

黃皮尖古名西峯大嶂

見里册

高十八里東面形如唐帽南北翹

起兩峯如翅橫障二十里有摩天之勢西面如平臺北面如湧浪南面孤峯插漢常起雲霧頂南角有堵風城舊志在縣北八十里與謝山對峙上有石室相傳黃皮二仙修道於此鄉人祀之禱雨禱應

謝山縣北七十里高可十五里黃皮尖峙其後杉木大蕪諸峯帶其左碁子寨環其右絕頂數峯突兀相連形若樓殿千巖萬壑競竒呈秀輿地廣記九域志明一統志皆云因靈運得名不知實仲初修真所舊有福昌院後改靈應觀又有段仙庵劉長者讀書堂

碁子寨縣北四十里北麓卽菱蕪爲元人黃盅故里東峯有寨場西南爲大東山

冠邱山縣北二十五里白良村西有石叢立秀翠玲瓏峭壁如巷中有青陽洞天四字曾文迪墓在左岬俗名曾仙塘

金雞山縣北三十五里舊志山童不毛有巨石在山下遇夜金雞見

三峯尖縣西北十八里其山尖削數峯聯絡若旗槍森簇大和觀址在山陽石上鐫字猶存

獅崑縣北五里舊志形若獅崑下有潭曰獅子潭

石筍縣北十五里唐鍾傳宅旁筍高數丈拔地獨出俗呼令公

石北鄉道經其下形若隘口為縣八景之一曰石筍凌空

紫蓋山縣西北十五里舊志山勢崇竦屹若車蓋舊名雲蓋山

或云謝仲初嘗游此有紫雲覆之因名有寺踞山巔塑謝仙

像亦入景之一曰紫蓋浮雲

壺仙嶺縣北十五里高可五里巔有懸崖一名釣魚臺西麓有

溥泉寺即長興寺

雞冠石在壺仙嶺南叢石現於高脊中一巨石形若雞冠上廣

下銳有欲墜之勢

凌雲洞一名匱石洞縣北十五里石獅裏舊志洞在半山間天

陰則雲從洞口山下出洞內虛靈高敞一溪從洞後入與竹

山洞相類

東嶺石縣北十三里懸崖壁立若巨蟾之踞山巔左岬為東嶺

裏

北山在東嶺之東山頂有石中通透光東為嘯天龍有石卓立

山巔高丈許

紗帽山一名杉木尖縣北七十里高可十里雄峙如層樓北與九頂

諸峯隔溪相望上有小曠名尹家嶺山陽多石中有層石上

大下小不相屬高三丈搖搖欲墜名飛來石俗名和尚石

更古山縣北七十里高約四里脈自謝山東條遷迤而起是山
東爲更古西爲虎頭尖兩山據高村煙竹岐源三村之中惟
更古背南面北橫障高村南其巔可望羅城北麓兩峯曰迎
旭饑曠中有飛瀑兩疊春夏轟轟不斷李進士更古齋在焉
虎頭尖東距更古二里餘高相埒西抱泰溪水南麓爲煙竹
大蕪山縣北五十五里山南爲東源西源山北岐源高可十里
三峯如筆架上別有三石名三石尖

五雷山舊志縣北二十里五山相聯與迢迢觀拱對鄉人遇旱
禱焉

十八渡頭舊志縣北四十里舊路在嶺下循環一水往來凡十
八渡後人闢路嶺上遂免病涉俗呼十八洞非也

雲峯嶺府志縣東北十五里萬歲橋北峯巒秀美狀如偉人

陶逸窟縣東北三十里崑巒清潤中有石室

克巢寨縣東北六十五里高五六里上有寨場相傳元時寨主
劉克巢於外層護山修僞道堰水深數丈賊至逼入溪中今
僞道猶存西南有豎旗尖甚險窄稍西有梳粧臺

清泉山縣東北四十五里今九子磔一帶是也舊志林木森藹
有瀑布自山頂下味甚清冽山形若郡仰山俗呼小仰山

大悲峯

一作大
丕尖

縣東北四十里府志山勢傑特元虞集經此留

題其南曲爲大悲寺

盧家石縣東北四十里高數丈廣百餘丈形若蟠蚪以近盧氏
居名

鄧公嶺縣西北百一十里明萬厯初守備鄧子龍剿寇至此因
名其山東連天井西接大圍皆崔巍險峻盤屈阻深東麓有
點兵墩放馬廠打鼓嶺埋人窟皆窩寇名目

天井欄山其下為天井窩縣西北極僻遠處東南距縣百二十
里東北距黎源二十五里距銅鼓營六十五里東距高村五
十里其山綿亘峻削高十餘里長倍之上有兩峯如夾耳中
有皇覺寺久廢南有湯家洞百工凹撐天石苦菜洲關鹽山
東有鵝頸沖暗洞西有東蔗阮羊蔗阮牛皮洞議事亭煖亭西

接瀏陽北接義寧梅洞東連九頂山南連黃皮尖內外百餘
里叢山邃谷密箐深林不通大道

金鉤嶺在天井欄東北其山綿亘北即義寧境有大道通梅洞
大圍山排埠崇鄉等處

阿彌陀佛嶺在金鉤嶺東北嶺脊相連有路通銅鼓營

武功峽縣北少西百二十里黎源形勢險隘為江楚邊要亦以
鄧子龍破賊功名

九頂山縣北八十里高村西北境其山高峻蟠踞數十里以其

深僻舊志失載李進士云九頂山北起揚黛山逶迤西南而東為吳家山祖孫嶺泥烏嶺穀皮尖九頂山
觀鷹尖黃茅嶺楓城嶺惟穀皮九頂觀鷹傑出九頂次居第
六昔人稱太湖峙七十二山其中以庭一山備有之此山分

布九嶺而九頂一山亦累九摺以此通主九山猶七十二山之統洞庭矣高村開陽羣峭中此頂最得勢從東南溪口望之一碧震霽如夏雲敷辨又如海風壓浪沓起暗空履其巔孤脊若搖四山伏氣穿辰戌而睇蒙末兩山鋪舒百十里外如湖石列地涵煙貯秀空遠無際繞山九泉高出率甘美可耕治居其三焉

中台峯端立九頂東南其嶺平厚盡攝全山之勝左右連山怪巧森矗垣外靡然翕附真羣峯之領袖也

陶坪在九頂北曲徑中眾山環繞相傳晉處士陶淡隱棲於此

中古樓一作和神嶺縣北七十里高村北與更古相望其巔突兀五

腦相連

屏風石在中古樓西邑人張明德鐫記其上

雞冠尖西距高村十里高約八里形如文筆高出山巔上可望

古神幽蘭諸山其西岡脊廣厚氣勢迴環多怪石一如角高

數等又有石如樓

天湖山縣北七十里南與雲芒山隔流對峙上有大小二池合

流而南飛注隘口如壺瀉水故亦作天壺下有捨身磔

豬婆甕在高村水口雲芒天湖兩山交互中北有石垠兩岬削

壁數十仞如天橋闌入泰溪起嶼如蚌溪水環之中有石若

豨

篁竹嶼縣北少東七十里與克巢寨隔泰溪南北相錯其脊有

大路東南通環溪嶺北通黃泥塘固山團山九龍廟接新昌

境

井架山在篁竹東五里形如障天展屏登其巔蜀江全勢朗然在望

環溪嶺為芙蓉山西麓嶺頗峻危磴數百級行者苦之南沿泰溪石壁可以闢通乾隆初年李琴若倡鑿之遂成坦途中有

環溪寺

太陽山新昌志作黃蘗義寧新昌萬載界山也在縣北百里高可半由

旬舊志形勢陡峻周一百里未旦光先射就昏不暝故名山體敦厚巨石星羅中為燈盞窩有清泉降下深谷數里為版

洞全山水交滙舊志稱龍門山羣峯環聳蟠踞如龍中有凹路狀如龍門當卽指此東稍降入新昌境黃蘗仙壇在焉先

五里來脈稍低處亦名太陽嶺石磴千級為往銅鼓石營捷

徑

四大金剛山縣北九十里嚴田村村卽段仙故里也四山崇隆

卓拔拱峙村旁東西成對東曰黃旗東麝西曰古樓柏樹有光梵寺唐初建適當其中環顧四隅之山若金剛焉村口有

飛瀑高十數仞名清涼泉

皂山一名大山縣東北六十五里其色皂與四十里山相似東西蜿

蜒十餘里有峯曰香鑪矗立山脊卽山之中峯也東入新昌境為天隱洞南稍西為大智寺正西數里為皂山村東北隴

畔為燕子洞甚深邃內多石燕鄉人於此禱雨北接連香嶺

牛鬪山在皂山南十里新昌界山形上合下開中空如巷肖兩牛之相角

天師山縣東北四十五里介上高新昌萬載之交脊與皂山屬故山石多蒼黑

涼繖石在羅城水口深潭中地名釣魚臺水清常見繖高丈餘旁有石崑

蜀江總畧

蜀江卽城北龍江也在縣境爲龍江入瑞州爲錦江西江九水蜀水居其一焉水經注謂之濁水漢志建成縣蜀水東至南昌入湖蓋蜀濁古通字也舊志俱載源出金鐘湖今詳爲湖

考實出縣西一百二十里古神尖北之流水壁東北流二十餘里入縣境之新賢里穿零江橋西源水自左注之西源出宜春太平關東之虎爬泉東經慈化寺南又東北至鉢孟塘左收幽蘭山水入縣境七里合正源東北流至棗木橋北收凹下及大水源水又東至朱溪橋左收仙人塘水又東南流右收獲富水轉東北五里石塘水自左注之又轉南至櫛樹潭後槎水合宜春荷陂嶺水自南來會始通舟楫立市鎮爲吳楚通衢又東流穿下停橋數里至大關嶺下折而北三里至池下黃茅水自西來會又北流五里經濠田墩三里出村口兩岸有山交互五里歐江沖水自右來會穿獅子橋爲潭

埠市白水自北來注之曲折東北流三里爲浩石蘇溪水自南來注之又東北行南傍山麓北過大廟四里至水南山口水自北來會又東北流三里過魚鱗灘亂石如鱗舟從石罅中行又曲折三里至上鈐田灘險亞於魚鱗龍溪水自北來會又東流二里至下鈐田左收沙路沖水折而南三里繞車上又屈曲東流五里左帶黃岡瓦宅梅源水自南來會又東北流七里至深塘將出口兩岸有山對拱南岸數峯憑空突起陡插橫欄江狹水駛勢如箭激舊志云野豬河自魚鱗灘而來奔澎峻急舟過者慮其險立水府祠以鎮之卽此出野豬口北傍小車庵二里至官莊牟溪水自北來注之合牟溪

水東流三里至軟石窪折而南六里經北窰饒田水自東來注之又南流五里西傍南窰爲蔣家渡桃源水自西來會又南流西經緬村六里至高城禮山水自西南來注之又東里許谷源水穿竹潭橋來會轉東北流經白塔之北李家園奇圃諸小水以次流入八里穿竹渡橋後塘水自右來會折北西流三里至紫蓋山東麓爲連頭三灣又屈曲東北流七里過上下吹藜南則木星腦北則馬腦嶺兩山對峙若巫峽江中巨石橫闌如門限舟必擇口而出三里經仙遊巖之北左收太和觀水經獅崑之西里許爲南田舊志載獅崑水與縣北龍潭通非也自南田轉南東流三里爲高車亦名穩渡石

版堰水自西來會轉東流三里過龍山之陰龍河水穿城橋
自南來注之兩水交食合流而北滙於龍洲

俗呼大
江洲

穿龍江

橋江心起洲障塞水遂分流一傍棧下一傍江口至洲尾復
合五里至多江石筍阮水自北來會一帶車陂重疊稍旱舟
輒不通自多江轉東流呼田英山諸小水以次流入又東至
布頭廠塘水自南來會二里穿康樂橋里許東嶼水自北來
注之又東南流三里爲塗口塗溪水自西來注之又東流二
里許右納黎樂沖水石岐水折而北二里至興江口錦江水
自北來會轉南流三里爲灌潭又折北流二里爲澄渡折南
東流三里爲湖潭煙塘水自南來會又東北流右收高嶺上
南面水四里左收宗塘赤陂水爲九子石又東北流二里爲
軍車入上高境由是澁裏水出埠頭岐山水出山棗渡對岸
泰溪水出社田駱家嘴皆由上高境而萬邑之下游終焉

諸水分紀

黃茅水在黃茅村大綱山東有三源一自鐵山界東流一自軍
屯嶺之西南流至黃茅台北帶江仔沖李家坊水一自軍屯
之東南流至路下三水合一東流經芳木山折而南西帶車
陂頭水至池下東南流入蜀江

又大綱山南西諸水流爲改江古澆江支源也亦有數源爲
棋盤石爲顯功嶺合爲東阮南西流其西爲風車紐合相見

灣水南流帶西阮水左合東阮爲改江經改江村入瀏陽

歐江出峯頂山之九峯有二源一出九峯北由南源頭東岡尖

折北入柴田一出九峯南由石陂上蔣家坊鐵爐背折北經

嶺東至柴田合流收樓甌水出村口歷樟樹棚左收翠竹庵

水折東過鷺窠裏折北爲歐江其東藍田水收桐木凹西水

來合西流至潭埠入蜀江

白水出陽洞嶺南由老山下收中源水經白水村遞收右源沙

冲東山西阮木馬墩羅家橋因果橋諸水南至潭埠入蜀江

蘇溪出荷嶺北流合布狗冲水折西帶宋源水至蘇溪村合冷

水井水折北西流收東西兩山水至浩石入蜀江

山口水分東西二源東出卓筆尖經書堂山陽炎皇聚陰折南

西爲窪裏轉南爲苦竹凹西源有二爲墨鬚礫爲鎖匙灣二

源抱白水嶺東麓而出合爲一出箐口至新田又東至苦竹

凹與東源合穿四十里山東收白茅冲西收門江水經柵上

入蜀江

龍溪水二源東出天明山與陽洞嶺青山頭諸水合流經花橋

四十里山至雙田西源出太皇山斜坡嶺過書堂山陰經白

楊寺左收南阮荷塘二水由白楊店至雙田與東源合又由

鏡山出谷口爲龍田村折南西流左收大欄場右收龍骨冲

王家凹水至人形山爲水口過紹江合老山冲落索冲柴狗

冲三水又收栗樹凹水出鈴田入蜀江

梅源水出荷嶺與五神嶺相連處東北流折北爲上梅源又折西而北爲彭家坊合數小水至下梅源入蜀江

牟溪自牟村北雙江口東西兩溪相合處西溪爲正源出牟源里九龍山陽又分二源西出青山頭東出王居洞至袁家墩合流經龍背上收礮上小水凹將軍廟水穿石版橋收鷹嘴石水折南至清水塘山字水自右來會又曲折至船蓬嶺東穿四十里山至嶺下收箬坪水而南與東溪合 東溪出上太平里亦二源西源爲桑寮出黃皮尖西東源爲東江黃皮謝山相夾水也二水合流穿石馬礮頭橋黃沙阮水合爐前

壁水自左來會西南折收禾阮及青山冲三牛冲水至雙江口與西溪合始可通竹筏焉又南流經西江村出高陂爲牟村過石牛潭至大橋折而東有江心泉左收白石尖水合太平街水南出牟村口右收子塘步左收上鋤冲塗家冲水至官莊入蜀江

饒田水出龍王腦西南流經八角亭右合裏路水至霞陂出口經北窰入蜀江

桃源水爲五神嶺東面有二源南傍山田嶺爲大桃源北傍豬婆嶺爲小桃源各帶數小水匯爲一東北至桃江口入蜀江禮山水爲峯頂山東北面源出煉廬場下經湯周觀鴉雀口西

折而北爲禮山村左合峯頂山東面諸崖谷水又北收桐木
凹水經橫山太坪遞收上方沖彭家沖野雞沖水至高城西
入蜀江

谷源水爲長垣山西北面經谷源村西合大唐庵水東收裏壑
秦公廟水北流至高城東穿竹潭橋入蜀江

後塘水與裏壑隔山分流左右納數小水北經望府樓西爲後
塘村又北流合牛沖水至竹渡收穩山關水由橋下入蜀江
石版墩水自望府樓之左東北流收荷花塘水經五里亭合各
沖小水至穩渡入蜀江

龍河以龍山名穿城水也其自南浦橋入者有三源一竹山洞
水源出宜春虹蜺院穿竹山洞合四都裏諸水經王村水口
裏至兩河山橋爲天陂墩一田北水源出太原山南白沙嶺
南天馬山西窯窩裏三水入縣境合於田北經寨下黃田至
天陂墩與洞水合一郭村鋪水源出宜春西嶺及楊柳窩入
縣境爲界牌墩經周家市收甘泉水至郭村鋪逾雞潭納石
溪虎阮諸小水至張家塘折而西與竹山田北水合穿橋入
城其自烏溪門入者源出仙姑嶺經東岐轉西傍雞籠山春
夏則見秋冬則伏又西經塔下入城至王家橋東北有水出
大畚埭由花墓前收戴公棧水合萬家隴水至水管頭入城
與烏溪水合其自城西入者源出西屏山西至西門偏右水

管入城出再思橋會南浦烏溪二水舊志所稱三江是也從此合流朝學宮下崇文閣入蜀江

石筍院水源出易公凹南流合數小水右收亭子凹東水聚石筍下穿兩山間又南至王家墩又東南至多江入蜀江

廠塘水源出茶山腦經豹虎嘴北流爲廠塘墩又大畚埭有水南流折北至墩合流過康樂祠穿浴塘橋入蜀江

東樓水有二源西自壺仙嶺收左右各沖小水東自分水凹西南流至東樓廟合一經中村墩入蜀江

塗溪分東西東溪爲一都墩源出浮樓山北面分左右源左發糠頭棧由布仔上至墩右發高塘裏由大灣裏至墩合流經

石灰嶺東左收天井塘水西溪爲塗泉村源出鷺峯北經大畚口收徐家塘水入村合塗泉塘水歷鎖匙灣收玉屏山小水與東溪合於塗陂出塗口入蜀江

錦江西源出謝山北東流邃谷中出口收上坪水經官田納朗源水帶高村院水入謝陂村左收早禾田右收黃土礮天寶瞳水至中菱蕪上菱蕪水自西來會折東帶蚶蛇院水穿西江橋大蕪山西麓水引嚴院下菱蕪水自左來合折流至迴嶺亭名黃田江西收竹山下東收洪院水歷白良過謝陂自是名錦江南經冠邱山東麓繞青陽洞至江邊出口右合陽和里諸水其源最長者爲高低窩俗名梢箕經虎塘店前而來收

西源庵南源庵漢源嶺岐里范塘赤溪沖一帶之水至曲田與錦江合穿煙包橋收易公凹石礫長興寺諸水過岳裏收壺仙嶺北水至福塘村福塘泉自左注之穿花塘西橋東源自左來會 東源出大蕪山陽亦分東西兩水合流繞昌湖嶺之東經白石裏邇邇爲明江十八渡水自左入穿羅陂橋過小洲上收平山頭水折西南開源水自右入又經三百坵轉裏裕銀田至逍遙觀東收湖源墩水穿花塘東橋與錦江合帶石獅裏水曲折至石灰山西鄔家坊水合雲峯嶺水自左來會至興江口入蜀江

按錦江與康樂水別舊志殊誤正之在白良爲錦江三百坵上爲明江出口爲興江皆隨地易名

煙塘水出浮樓嶺東北至煙塘分上中下三墩右帶小水由牛路陂入蜀江

岐山水出青背院西北叢山中收清泉山西麓九子礫水經陶逸崑東長圓裏穿磚橋爲岐山村漳源水自左合曲折經岐山南新塘山水自右合南東流收大小梅院水入上高境由黃田入蜀江

泰溪古康樂水有正源支源皆合於康樂古治卽今羅城是也正源出鄧公嶺東北流至飛虎口杉樹凹水與合至水棚下大西院水與合至七里墩合成院水東流折北至雙江口

合三陽院水又北過苦菜洲而東天井窩水自北來會歷阿彌陀佛橋鶯頸沖水入焉又東過關鹽山南收黃皮尖山陰水萬祝寺水黃絲磔水折北東流經黃土灣曹家灘收梘院水至黃貓磔有兩院合爲一瀑自左注之又南檀木院兩水合爲馬尾磔自右注之折東經高嶺磔口高嶺諸水自右入東流折北黎源水自左來會 黎源水出鼈花座之西西南流至黎源下村左帶水曰軍屯裏金盆架佛嶺畚右帶水曰白石院同古院歷武功峽而南右會金鉤嶺諸水左收河口諸水經朱紫壩收霍少尖東北諸水由黃石頭轉南與正源合 泰溪正源合黎源水東南出峽口折東爲船埠潭北收

觀鷹橋水屈曲東流至蜈蚣磔左帶數小水爲鶴頂岡平巖鳳凰窠右則黃岡洞大竹山大茅窩鋸院練院諸小水以次注之折東北流收狗熊窩水又東至將軍石煙竹水自右來會 煙竹水有二源南出土地凹北出紗帽尖之陽至上堡合一又東爲煙竹村水曲如鉤轉西折北出村口穿山峽合泰溪於將軍石北流經山田院左收螺絲泉至梯石右收虎頭尖碧雲寺諸水北折而東爲上高村收九頂山陽諸水又東舒家院水自左來會轉南東歷黃岡陂中高村山灣裏楊家洲更古山又東歷龍埠虎頭山北收虎院水東南流收茅源院水穿南山橋收小溪院水爲小溪渡折東收捨身磔水

又東岐源水自右來會 岐源水出謝山東棠蘗洞東流經成鼓尖出口收小洞諸水至岐源村南東流右收芳阮嶺及雲芒山麓諸水折東北經薑山石入泰溪東流經天湖雲芒兩山過豬婆甕東歷厲公陂三十把左右諸水以次注之又東經環溪嶺出口收甘家阮水為何家洲東北過虎符收背屢墩水為上澗田又東收墓裏水南經下澗田東經羅城墩至中洲上藏溪水自左來會 藏溪水出大陽山燈盞窩南流版洞穿龍門山左帶大塘凹水右帶牛闌洲水南出山口至上坪村天寶窩水合大陽嶺棧樹嶺水來會又南東高礫水合蠟墓石水至賈家塘來會屈曲南流薛家山水流源水以次來會又南經軍畚裏西繞大陂上又西中凹水大凹水自右來會轉東收長阮水經長礫溪繞漸網洲折南為青瑤港東流至固山嚴田水自左來會又東收校車嶺水又東北收小水二流山峽中經船埠水曲如環至磨石阮銅盆坵水來會又屈曲東南流黃泥塘水來會又東狗腸阮水自右團山水百丈礫水自左以次注之又東猴形裏水合谷籬窩水入焉又東北收楊柳阮水折東南過九龍廟井阮水入焉又屈曲經雲頭尖東出山口為潘家坊左帶三峯阮水右帶白雞阮水轉東流乃藏溪村也自上坪來深山叢谷不通大道故名藏溪又東收五丈阮水折南繞淳江村收皂山水穿南

園橋至湖溪西入泰溪 泰溪合藏溪水東流左帶湖溪水
西收茜阮水東南流至釣魚臺臺下有深潭由潭出口至盧
家石其西爲小水村水有二源南出龍窟洞北出游家嶺合
流傍盧家石入泰溪東流過湖仙潭入上高至社田駱家嘴
蜀江自西來會 古道自盧家石經郭前踰油江橋至文昌閣
入上高泰溪一名盧江
又烏虎洞水出鄧公嶺西帶木魚寺金盆架山南諸水經黃
泥塘收九龍寺水由郭前入瀏陽 黃石洞水出金盆架北
合校車峽水西北入瀏陽境與烏虎洞水合達湘江

泉井洲池附

溥泉在縣治東儒學前舊志泉水臨河味極甘美明正德中已

塞復出今甃石爲方井汲者絡繹

卓劍泉舊志治西二百五十步廣報觀石世傳謝仲初以劍刺

地泉遂湧出舊有亭今廢

火田泉縣南五里馬埭泉水溫煖溉田數畝成熟較常田恒早
半月薦新者多取焉

翠崑泉縣北翠崑寺後從崑下噴出四時涓涓不竭

涂泉縣東六里許今爲唐氏別業泉珠迸出汨汨上騰深處人
不能測洄者墜下卽浮故鮮溺者潛鱗肥美倍勝他處塘廣
十畝可泛小舟兩旁岡岑環繞松竹交映亦勝境也舊志有
龍居之禱雨輒應

泉塘縣西南十五里田北村澗洄滄漑田百餘畝

福塘泉縣北二十里一名獨塘廣十畝泉味甘美一碧澄泓鳧鷗出沒儵魚上下豁人心目居民從無溺者故稱福塘漑田三頃鄉人遇旱於此致禱所產魚獨嘉

清泉卽清泉山瀑布泉嘉定志泉流十八折俗謂之十八溪

湖仙塘泉縣東北三十里橋頭村泉如圓珠萬顆爭湧觀者眩目灌田無算春時菱蘆彌望青葱入夏卽可采食

仙塘泉縣西北三十里仙塘廟後泉冬溫夏涼流注廟前禱雨輒應

廬泉石井二泉俱在豐田村源深流長灌漑甚廣

江心泉縣西北牟村下游自江心洲中噴出四時不竭雖過江漲一脈清流自分明螺旋於濁浪中

周塘泉縣東北大悲山麓泉脈甚大如穿篩眼而出奔流洶湧灌田甚溥

龍池泉縣北五十里羅城之東自山麓石罅湧出漑田數百頃味甘而冽上有龍神祠旱禱時應

霏玉泉縣北高村九頂山峭壁中有石突起飛瀑當其道不得落逆捲而上隨風散颺復平流數百丈懸挂爲簾蒼煙無路冰霧上噴足供幽賞

石門泉在霏玉泉下流上有潭瀑數處至是始合泉益大兩旁

山勢陡絕泉潛流石頰滂然雷震莫知其處洩為小潭跳波清湧跌下大谷中仰望垣壁際天虹光雪影極奇幻之觀

義井有二一治南百步再思橋東舊志井深五尺許用之作腐較他處增多府志云井久塞乾隆二十二年知縣張立中捐

貲開濬民甚便之一康樂坊故譚族門首相傳曾救大兵之渴

聖井舊志縣東北安仁坊北路口世傳宋乾道閒普庵禪師嘗游息於此時值多疫師於井中取水飲之疫輒已至今水味

異他井遇旱愈冽泉溪井舊志治東福壽坊後街汪永善開砌水清冽秋冬不竭

真君井舊志縣西廂外二百步世傳謝仙經此就嫗求水嫗辭以水遠謝指地曰鑿此可得果如言至今不竭

仰山井舊志邑西奇圃仰山廟後山頂上舊有亭今廢官洲舊志儒學前三江口中約三畝餘與筆架山對峙形家稱

為書案開下官洲有二一在舊堰基西岸上至劉姓塘下隨吳公講堂田埝直至龍江口左至吳公

講堂田右至江一東岸水府祠前并右側俱隨石路橫過直下上下斜對舟檣森列每宵燈火煜燿彌望如星

龍洲舊志縣北二里許即龍河渡約廣四百畝向設舟渡於此故縣八景有龍河晚渡洲跡猶存

中洲縣北龍河橋下乾隆乙酉東岸喬居田畝為洪水所決餘土遂漲為洲出於江心始江水出城折而西至洲出乃東西分流焉形家云水口忽起洲人文漸盛之兆後果驗

綠陰池舊志治南百步再思橋右

劍池舊志縣西宜春界靈棲崑池廣丈餘別有曾家塘水入池合流東注世傳許旌陽捕蛟洪州時蛟潛逃於此旌陽擲劍斬之因名

萬載縣土著志卷六

水利 橋渡附

邑之水源小而江狹遇霖田場衝沒稍旱舟楫難通其來久矣近更山荒盡闢一值暴雨眾流輒挾浮沙墳土以達於江江底日以高舊日深潭亡慮悉成淺渚水盛必倒灌水衰即無所停蓄頻年城鄉動遭水厄而田土則旱與澇兼病無怪其然也城中加以炭灰雖經勸捐疏濬比復如故計其害亦終歸於下流陂堰固瀦蓄之方然百里長江節節攔截水為少停沙土亦因之日積其究與未設同非盡壞諸陂大加挑濬水旱之灾詎有已乎若僅取濟目前則蓄洩以時無憂小

旱誠無加於陂堰者故採輯各鄉所立一一詳載橋渡附焉
萬載鄉陂十七所堰三十四所塘二所

梅花潭陂 滑石江陂 鷺鷥嘴陂 龍潭上陂 龍潭下

陂 爛柴陂 以上六陂在朱溪橋下櫛樹潭 老虎江陂 下

嵐橋上陂 瓦子灘陂 冷鋪前陂 窩仔窟陂 窩仔窟

下陂 野狸窟汪家陂 以上七陂俱在櫛樹潭 大埔頭陂 車

田陂 米篩埭陂 大塘下陂 以上四陂俱近潭埠周陂橋

桂花堰 在洋源 六井堰 在後槎水來自宜 楊堰 水由大 井堰

半堰 黃土堰 新堰 以上四堰俱在棗木橋 黃荆莊

城堰 在零橋 熟堰 在棗木橋 催田堰 在撥孟塘路下 濠陂堰 在池

下丁姓修後 上石界堰 在車頭 下石界堰 在嚴坪 梅堰 在梅陂李姓與眾姓

分溉有 石陂堰 在石陂下口 溉金 涵田堰 在仙居橋 山南堰

在仙居橋 橫嶺堰 梧春堰 石堰 早禾堰 扇堰

文武堰 以上六堰俱在周陽流堰 此南條水源 巖堰 新堰

下午水堰 上牛水堰 羅家堰 南江堰 吃水堰 以上

七堰俱在周陂橋上西北等處此北條水源發軍屯嶺 易公堰 橋堰 以上二堰在周陂橋下

麥初塘 蕭家塘

進城鄉陂堰各五所塘一所

昌陂 在山口橋門前 犁陂 在山口橋下 雞公陂 在白水 石牛

灘陂 在水南 郭下埠陂 在水南土橋 楊堰 在蘇溪沖口 鯉堰 在龍

田石路下龍堰在龍田石路上潭堰在白水溪流龍林坡在龍田石路下漑東岸田在龍田石路田古堰在龍田石路久廢乾隆五十二年鮑震岡復建下潭堰在龍田石路田壑塘在龍田石路古嶺背在龍田石路併開左側石圳

懷舊鄉陂六十七所堰四十四所塘六所

鄧公陂 社下車陂在江背楊家灘車陂在沙嶺下田以上三陂俱在鈐田

野貓洲上中下三車陂在車石塘子車陂 廟下車陂高矮二車

二陂俱在 擔水埠車陂高矮二車杞樹灘車陂高矮二車灘下車陂

勾形車陂以上四陂小車陂在野馬家腦車陂 車頭新舊

車陂 黃泥潭車陂 何家埠車陂 宋家車陂以上五陂俱在南畝

獨古潭車陂 何家灘車陂二陂俱在緬村塙頭車陂在一帶田

李公車陂在社高車陂 昌齡車陂在阿陂俱在李家園

塔車陂在白塔南岸鐘鼓石車陂在田莊裏牛車陂 灞上

車陂上下二車龍石車陂在橋墩月光灘車陂在月連

頭三灣車陂在吹中洲上車陂在吹地坊石車陂在吹馬

腦石車陂在北獅窩車陂在高獅子車陂 楊禾車陂在上下

車二陂俱在南田上土租車陂在上下土租車陂在下黃感灘車陂在江

口老圃洲車陂在多井公車陂在洲三輪車陂

共五 上下南車陂在樓下鄒公車陂 劉公車陂在呼田開

仔口車陂 水口車陂以上四陂泉水井車陂在黃犁轅灘

車陂即飾頭車陂丁田車陂 高車陂在丁田三官車陂在

雷公車陂二車無尾車陂在小門前興田車陂

石龍車陂 石岐車陂 蕭公車陂 以上五陂俱在小番江西下與江上

官車陂 楊家車陂 灌田廟上車陂 中車陂 下車陂

審前車陂 何家洲車陂 石坑上車陂 石坑下車陂

以上九陂俱在興江下 洞口堰 水自竹山洞出 楮樹堰 在洞口 洪堰 在洞口 狗腦

堰 新堰 嘉慶二十五年重修 旋圮道光元年復修 瓦堰 丁家堰 今廢 小堰 門

堰 以上六堰俱在黃村 石虎腦堰 在濠湖 天堰 即天陂 石堰 在銀山下受田北江水 板

橋堰 在宜春塘下口水來自楊柳窩等處 麻堰 在坑源澆周家市及坑源田 戰堰 在周家市澆城塘及

三官羅堰 在羅溪澆郭村石溪田 石溪堰 為魚油堰澆石溪上堰田 王源堰 在郭村澆田西

泉公堰 在蛇源溪口澆黃土塍田 瘦堰 在郭村埭澆田 虎堰 在郭村下堰澆下澤瓦子

田 舊堰 即蔣公堰在田西冲口澆王家坊田畝備歲修用 新堰 在下澤澆田 蔣

公下堰 在王家坊門首 楊柳堰 即楊田堰在五里牌澆下堰田 土堰 大橋堰 在張

家塘澆田 狸塍田 條般堰 九林堰 良田堰 三堰俱在張家塘 白竹堰 水來

自峯破江堰 二堰俱在橫山 塞江堰 虎堰 二堰在大坪 松山下堰 在藍田

慶豐堰 在紹江原名嵐堰許侯更今名 官堰 在黃竹嶺澆桃江口緬村田 石堰 在沙路冲口 蕎

麥坑堰 在竹渡坑內水來自後塘 桐江圳堰 在龍岡口 王家坊堰 在王家坊 雷公堵

堰 在竹渡 柴源堰 在柴源 塗陂堰 在塗陂口 泉坑塘 在竹渡 灌塘 在奇圃仰山廟

左荷花塘 在濠湖嶺背 赤硃塘 在縣西 鬼無塘 澁塘 在南田畚

歐桂西鄉陂堰各二十五所塘四所 劉公車陂 茶籃埭上下車陂 永興車陂 三陂俱在旭田花塘等處合明

江淖源水 巖下韓家門首上下車陂 殷家上下車陂 曾家車

陂 隴裏車陂 殷產埽車陂 郭家車陂 殷家門首下

首車陂 王家車陂 宋家車陂 厲家車陂 高甕車陂

下園車陂 向家車陂 高中車陂 江背車陂 以上十

在花塘至 高家車陂 原名 黃茅車陂 即澄 沙潭卜公陂上下

車陂 易家桐樹祠後上下車陂 隴裏上下車陂 下窰

前車陂 汪家埽車陂 以上七陂俱橫蜀江 謝堰 率堰

小堰 球堰 黃土堰 五堰俱屬錦江水來 席堰 高堰

遲堰 曲堰 在赤溪坑口四堰俱屬 牟村堰 受牟溪水乾隆

修舊在旨鵲坑口今移梅樹沖口溉東西 龍門堰 羅家堰

兩岸田堰左有陂山自旨鵲坑至石牛潭 官堰 建堰 新堰 五堰俱屬明江 小官堰 西陂堰

漫堰 即開 徐家堰 四堰俱 啟堰 銀堰 雷堰 船堰 四堰

田堰 廖江堰 在豐田水源 陽陵堰 在豐田水 羅塘 范塘

堰塘 大塘

歐桂東鄉陂三十四所堰十二所塘五所

何家洲上陂 何家洲下陂 溉虎 虎符陂 澗田上陂 在石

田下澗 下澗田二陂 以上俱受 高車陂 肥田陂 二陂俱在

盧洲陂 在盧洲下渡下三陂 周塘陂 枯塘陂 攔江陂

沙子陂 中陂 野塘陂 以上六陂在小 均周陂 温陂

烏陂 潭頭陂 下首陂 上下楊家陂 在宋 大陂 社靈

陂 孫家陂 三陂俱 狗腦陂 龍家陂 八陂 石頭陂

大橋陂四陂俱在橋頭受漳源水楊家陂墓前陂二陂在下敷石圳口

陂在淳江南園橋下陂二陂受藏溪水龍陂在高村烏豬陂在慈溪潭頭

堰上羅堰在石眼脚中羅堰在蓮亭橋下羅堰在橋

溉下羅城陂田羅家堰在羅城下陂溉厲家洲澗洪堰敖家堰在湖

溪溉湖溪張家山田蘭江堰在藏羅家堰堵堰龍派堰三堰俱在

水祖堂堰在藏溪溉蛇落坑塘在芳田蓮亭塘在蓮亭坑石鼓塘

野塘 周塘俱在

以上溉田陂堰共二百六十八塘共十八俱從採訪載入舊

志陂堰塘一百六十六合採訪者僅七十七餘或蹟是名非

或舊有今廢無從查核矣

護城內外堰閘

崇文堰在學宮東雙虹橋左久圯明嘉靖三十六年督學王宗

知縣范廷鳳相繼修葺後廢按通志督學作江以東蓋緣

官督學事所謂典文教者蓋指學官言其時教諭有江世卿

龍河堰在縣北門外龍河橋下舊為譚家堰明萬曆中與橋並

年知縣韋明傑督譚經濟經世中倫等脩復焉更名維城歲

久復圯國朝乾隆二十三年邑貢汪有燦承知縣張立中

崇文間乾隆間首事鄧鉉等因譚堰募建石隄宋嘉秩捐西岸

縣陳文衡倡紳耆清理水道撤底改砌石閘以時啟閉凡費

橋

一千八百餘金

雙虹橋

在縣學左元黃竹關建以祈嗣後生二子因名明成化

國朝雍正五年宋族重甃石面豎石關東西兩岸俱有碑記

嘉慶年間增建橋亭按嘉定志通濟浮橋在縣東九十步

龍河橋

在縣治東北文昌閣下明正德間知縣張邦穀因築城

建之先此處原有浮橋韋志云竹關設浮橋名雙虹似誤

橋後圯譚鉞重建鉞子登龍重舉其頽萬歷四年水決登龍

再思橋

治南五十步明洪武四年縣丞馮原禮

南浦橋

治南三百步元大德間建明洪武間文泰卿重修正德

洪辛圖猷復鼎建之崇禎九年猷子啟夏啟商啟周等

國朝康熙五年猷孫瓊瑤偕姪勤學等感有脩葺五十八年

橋盡壞知縣程元度率猷後裔及邑人重建雍正十年楊垂

安樂橋

在義井龍祠前原係木橋乾隆四十年辛衢捐建石梁

長九丈有奇高五尺廣六尺道光十五年劉名綬辛基

迴瀾橋

在學宮前百餘步以筆架迴瀾名康熙間田下郭興兆

倡建後圯嘉慶二十年郭孟牖子孫重建長十丈有奇

烏溪橋

邑東南里許明成化四年施玉温建崇禎十一年辛明

龍江橋

邑東北龍河渡乾隆十六年辛瑛捐建易舟渡為石橋

未成而卒子衡慶其役為管五廣三等修三十四丈有

康樂橋

邑東北十里丁田元至正七年僧片雲募龍駒建以康

樂侯靈運名學士歐陽元書額明萬曆初郡守鄭惇典

檄修易名毓英韋志作毓秀四十六年知縣姚繼舜率邑人

十六年因歲久漸就傾圮劉名綬辛

敷韶倡捐重脩珊與圖猷後裔與焉

秀合金百餘重脩二十二

年復兩人復捐葺二次

廣惠橋 邑南百二

十步今廢

奇高十餘丈五載告成孫尚勤復修兩旁石闌四十五年冬

歲事有龍江橋圖卷題咏甚多今俗稱鵬程橋衢字也

砥石為墩架長材構樓其上置官田為修葺費辛敏道於橋

左爲大士祠并祀姚侯崇禎八年韋令明傑增置田於近地十七年橋燬墩存易舟以渡國朝雍正五年高愈謙龍言各捐金五百爲倡首事郭邦藩汪廷獻張士魁敦有義汪朝祖李之華高岱袁寬鄧際可郭治模辛汝勤李泮發胥衣鮑瑄郭興兆辛發遠郭朝選胥又能張聖輝各捐金有差撤舊重修長三十丈濶二丈二尺高四丈五尺四墩兩岸五洞石關百獅至九年告竣原祠已頽復之別建康樂祠仍以姚侯配并創橋龍响焉附橋田田舊在六區姚侯置後因地遠韋侯倍價易置近橋處計五百把康熙十三年兵燹田荒無主有韓禮四者因奉文墾熟將三百八十把轉賣與辛廷瑄而自匿一百二十把雍正五年邑人因修橋清查田畝禮四之孫暉吉蔽其所匿首控廷瑄子凌河兄弟隱佔案經禮府批查知縣汪委首事查實凌河兄弟以田雖父手價買而造橋實善事自願立契歸公於是暉吉所匿亦立約退出並作樂助契約俱存首事高愈謙處又周覺後助東樓田二十把契付高愈謙雍正九年修橋首事以樂助餘銀二十九兩并易賣白水羅教田銀買宋圖南浴塘橋早田一百九十把十坵及各餘土以資橋內公費契付汪之圖以上共計田八百一十把并庵後山場藥林誌之俾後有所考據焉其暉吉約載南車上早田一百二十把計二坵

楮樹江橋

一名荆樹橋邑南三里雍正三年辛璋辛萃兄弟建三墩二管石梁

龍江浮橋

舊在龍河渡明洪武間僧文隱募建爲船十二以通往來知縣汪悠久李燦邑人楊孟明愿爲修補今廢

其楊孟明楊維鏞劉景賜龍泉等所助贍渡田及汪朝祖辛汝勤汪發楫王都會鮑瑄劉其焯等三元會原助贍渡田一入龍河書院一入吳公講堂以上俱屬一區

兩河山橋

邑南三里王益貞僧一心募建康熙間陳堯治倡捐重造乾隆間辛錦斐捐貲復脩

永齡橋

邑南五里明嘉靖間周回龍橋邑南十里竹山節婦子元龍建闕地名洞口衆姓建

慕真橋

邑南十里羅溪明隆慶時郭存性倡建石刻存

客人路橋

邑南十里楓樹窩下乾隆間衆姓捐建石梁三墩兩岸廣八尺長十丈高一丈二尺

石前橋

邑南十二里牛鼻洞前嘉慶十四年衆姓建石梁三墩兩岸廣丈長十二丈高丈二尺有碑

竹渡浮橋

邑西十五里明洪武時僧文隱募建爲船九後朽壞楊孟明更設舟渡今並廢

竹渡石橋 距浮橋半里元大德間徐信建明成化六年張處恭袁大邦楊洪等重修今廢

竹渡新石橋 在廢橋下十丈乾隆二十八年間儀辛金壽合建為五管六墩長三十二丈廣二丈二尺

雙虹石橋 竹渡聞信三信六創歲寒橋 邑西二十里嘉言踵建後裔疊修地名舊志闕

竹潭橋 邑西二十里高城明嘉靖間宋一元妻鄧氏建崇禎五年邑令韋捐修後廢 國朝康熙中宋希商僧固織募

葺雍正五年西岸圯陳能宏固織徒孫止岸募修二墩十年汪廷獻高愈謙郭邦藩陳能宏等更募東岸兩墩乾隆二十

六年衆募重修四十三年 永興橋 高城下院雍正中陳能周勝畿妻張氏助脩欄干 宏王元有周又善募建

永鎮橋 高城古羅灣原有木橋名永遠立橋會道光十七年會衆倡首募捐改建石橋易今名

昌橋 邑西二十里乾隆十八年聞成忠建 矮陂橋 邑西二十里乾隆二十三年宋獻建

百子橋 邑西二十里上峯坑藍棚下道光三年鮑師興周繼坤周富孫周啟宗等倡捐募修

萬興橋 在上峯冲原名五峯雍正中周又善韓鵬章王元有王文發募建嘉慶丙寅陳常鮑啟倫郭爾元龍德揚倡修

石峽橋 邑西南二十里谷源明宏治十五年楊奇永捐建萬歷四年圯楊思試重脩

永安橋 有二俱在邑西三十里禮山一係明成化間知縣陳琛諭里人合力重修一係嘉慶五年石塘龍池升捐建

鴨婆橋 禮山桐子樹下嘉慶十年石花橋 邑西三十里官莊七年許瑞之母王氏建 孫持同妻鄧氏建

昌田橋 邑西三十里宋建炎間楊秀淑建明永樂中道人林無碍景泰中陳紀政相繼重修

石虎橋 邑西三十里王江明正統間郭殷器重建

柴田福壽橋 邑西三十里雍正十年郭鍾秀募建乾隆間辛汝岐重建嘉慶九年辛錦斐辛維遷龍敏勳周天沛

易莫字劉經成等倡捐徙建距舊址十餘丈甃石為之計長十丈廣一丈六尺高一丈八尺

鈐溪江口橋 邑西三十五里鈐田乾隆三十年圯朱姓敬業鳳儀御宜際熙等重建

紹江橋 邑西三十五里元藍田橋 邑西四十五里大德間徐信建 元時敖玉溪建

藍田長水橋 乾隆間萬古橋 邑西北山巷口募建 周節婦張氏建

羅漢橋

邑北八里石普菴前乾隆三十年辛金蔚妻王氏重修高二丈八尺長二丈廣一丈

石亭橋

邑北十里王家墩水口王事建嘉慶中事後裔重修高丈三尺半長三丈五尺廣八尺半以上俱屬二區

汪公橋

邑西六十里原名下停明正德間石塘龍大智建嘉靖開林榮登倡捐重砌石墩架長材雍正十年水毀汪知縣元

采屬巡檢馬昭遠貢生辛金鑑等募建石橋易今名

潭埠獅子橋

邑西六十里元大德間羅仲遠募建後廢易渡國朝康熙中楊孟明捐費贍渡五十年鄒吉士陽

祚齡等募砌六墩兩岸翟汝玉倡捐成之長三尋廣丈五增

高五尺樹闌杆復募魚鱗灘山一窩兩嶂種杉備料乾隆戊寅橋壞鮑啟仁等捐募重葺道光甲辰水復圯

沙江橋

邑西六十里明成化間道人蕭覺賢募孫秉琦羅成文高永政等捐脩國朝雍正初年池下丁姓重修

因果橋

邑西六十里原名煙火華於宋建炎間其後興廢莫考雍正元年白水歐陽功吉濠田丁燕及翟汝玉倡首捐

修乾隆間水圯功吉孫鶴等迭捐募修

福成橋

邑西七十里滑石江道光某年眾姓捐建

靈橋

邑西六十五里大嶺下兩墩兩岸三管汪魁選龍員開等合鄉募建

朱溪橋

邑西七十里楠樹潭嘉慶四年李錦嵩陳春魁等倡捐募建長十五丈廣丈五尺

萬春橋

楠樹潭下街原有木橋屢圯道光元年募建石橋兩墩三管

萬福橋

有二一楠樹潭上街原木橋圯乾隆四十二年募改石橋一邑西九十里黃茅南北岸嘉慶三年合鄉募建

萬安橋

黃茅北岸嘉慶六年募建

丁家橋

邑西八十里源頭劉大墮倡建

小陂橋

邑西八十里石塘乾隆四十九年龍郁遠妻施氏重修

螺絲橋

石塘自明以來皆砌墩架木乾隆元年龍仁山祠易用石上墜亭

布福橋

邑西八十里車陂頭下步子背募建兩岸兩管一墩

仙居橋

邑西九十里相傳羅仙寓此乾隆二十六年湯安猷龍禧等十二人捐貲重建有碑記

福壽橋

邑西九十里原名和尚久圯乾隆十五年八十老人周敬叔捐金五百易建石橋因更名

周陂橋 邑西九十九里康熙五十四年鄉耆募建乾隆二十七年
輸貲置田 四十九年兩次重修陳春魁張自遠周盡美等二十八
為持久計

黃江橋 邑西九十里唐家天下
乾隆中辛閩東建

鄧家門首橋 邑西鄧姓倡合鄉
昌江橋 邑西六十里元延祐
間敖玉溪建

龍田橋 元時敖
楓林橋 邑西六十里楓林頭道
光三年鮑善美妻汪建

古潭橋 潭埠船埠頭古橋久廢道光戊戌鮑模且歐陽藝吳祥
澤等倡捐重建四管五墩長二十丈廣丈九高二丈六

長興橋 邑西五十里柏樹街道光辛丑邑人宋定彝高化鵬吳
和澤鮑正命等倡建四墩五管石欄續陳貲立茶亭

花橋 邑西七十里明崇禎間圯僧圓空募辛振奎郭萬象建
國朝道光辛丑復圯監生辛樹麟捐金六百餘重修

湯澄橋 邑西八十里白水明嘉靖時歐陽澄建 國朝康熙十
三年六十一年連次傾圯俱歐陽氏捐修嘉慶六年歐陽

文義橋 在白水乾隆庚子文義
堂建四墩長十五丈

南溪橋 白水西坑明正德中建 國朝嘉慶二十
二年水圯歐陽賜麟妻楊氏捐貲重建

懶祖橋 白水明正統十七年伍道元建 國朝嘉
慶戊寅水圯鄉市募建長四丈廣丈五尺

羅家橋 白水明初建有石橋歲久垂傾 國朝嘉慶
四年歐陽韶梁等募脩廣丈有奇長三之

南山橋 邑西十五里都礪下水口道光乙未
監生陳錦絳方蓮等倡捐重建

水節橋 邑西北四十里
龍田藺家門首

里藍橋 邑西一百里明成
化間吳孟舟重建

萬古橋 邑西北五十里
鏡山衆姓募建

樂平橋 邑西若坪下水口陳
姓七甲九甲捐建

三元橋 有二十一邑西北五十里郭山張周萬倡建一
六十里西江嘉慶十二年柳姓爲首募建

復興橋 邑西白楊寺前道光四
年圯張處恭子孫重修

衆星橋 邑西北七十里
槽頭合鄉募建

廣義橋 邑西北八十里書堂楊柳
冲石橋 以上俱屬四區

牟村橋 邑西四十里元大德間敖玉溪建明萬厯間宋良彥重
修未竟崇禎四年知縣韋捐俸督鍾孟七僧圓空等募
興修雍正八年營繕有加歲久復傾乾隆丙子年辛金壽偕

從子家松改建石橋五管六墩垂成而圯卒歲其功道光元年家松子孫秉文等重葺

秀峯橋 邑西四十五里西 登雲橋 彭澄建 江口水口柳姓建

花塘橋 邑北十五里舊橋傾乾隆十九年鄧鏗韓琳瑞等倡捐重建嘉慶十一年水壞其墩管鄧嘉材韓長春等倡修

萬歲橋 邑北二十里雲峯嶺元至正建明萬應圮張鱗重修石圮 國朝康熙五十年郭鍾成張登魁李之華募修石

梁雍正九年岸墩壞丁田橋化首砌復之嘉慶二十二年水決首事郭錦園宋宋雲張惠榮張明春韓斯來等募眾移建

距舊址二十丈韓科翔捐錢一千四百串郭新科八百串李以正五百串辛義成四百串張仲寬宋橋會謹富貴胥奉川

各二百串李珽宋海嶠各一百二十串 串謹均材一百串其餘捐助有差

平樂橋 邑北二十里晉安里明下睦橋 邑北二十里高田雍正天順中知縣李富重修 九年張元也辛發遠募

建乾隆三十二年水毀何復初喻聯及募修嘉慶二年復毀復初子和彥濟彥首捐橋料喻姓募眾葺功兼修兩岸

毓秀橋 邑北三十里白良原名煙包知縣施更今名創自元季至明圮李寶珠敖鳳錦等修復 國朝康熙中明覺院

僧募袁秀也敖宗玉李周士等重修雍正十年敖宜也袁克模李榮春袁繼安黃鳳友與眾釀穀生息建亭嘉慶六年袁李黃三姓葺道光辛巳衝壞 白良橋 敖希仁建兩岸二墩袁振藻廷麟李承昉等倡修 樓屋三間二十四楹

雲峯橋 龍江橋

昌溪橋 榜山橋

平安橋 平田橋 普安橋 韋志作 晉安

平山橋 高原橋 凡九橋皆 敖玉溪建 錦江橋 白良敖玉溪及子百川建長八丈五尺

元善橋 邑北鳳頸裏下首 濟川橋 二十都四箇窰下 監生張源霖建 貢生張新楫建

永福橋 邑北謝陂道光癸卯易姓合族捐 建一墩兩洞長二丈六尺廣六尺

江陂橋 邑北四十里黃 福善橋 邑北四十里虎溪嘉慶丁丑鄉眾募修墩與關

田辛時宜建

虎塘石橋 邑北四十里乾隆四十年辛

楊桐江永鎮橋 邑北芟蕪上街雍正間黃堂蘭等倡

西江橋 邑北五十里芟蕪水口下敖玉溪義女福貞建乾隆間

丈長四丈九尺廣丈三尺護以闌楯 以上俱屬五區

青溪石山橋 邑東北三十里李泰洵建 慈谿橋 邑東北三十五里

楓頭橋 邑東北三十五里岐山 豐稔橋 邑東北合鄉

兩江橋 邑東北四十里 小水橋 邑東北四十里

藍塘石橋 邑東北四十里 神山橋 邑東北四十里

同鳳橋 邑東北四十里 杭橋 邑東北四十里

潭頭橋 邑東北五十里 鎮溪橋 邑東北五十里

蓮溪橋 邑東北五十里 踏青橋 邑東北五十里

油江橋 邑東北五十里 利濟橋 邑東北五十里

南園橋 邑東北五十里 翰林橋 邑東北六十里

吉慶橋 邑北三十里 青雲橋 邑北六十里

南山橋 邑北三十里 永福橋 邑北六十里

新田橋 邑北三十里 長生橋 邑北六十里

長礮橋 邑北一百里 觀音橋 邑北一百里

丈五為墩四 月易霽翁湯文學重修見橋旁石崖鐫字

六丈六尺廣 長礮橋 邑北一百里 觀音橋 邑北一百里

丈五為墩四 月易霽翁湯文學重修見橋旁石崖鐫字

關鹽山橋 邑北百二十里明嘉靖十七年新昌七都齋人鄔庭芳倡建旁崖石刻猶存 以上俱屬六區

渡

林家磨渡 龍河門外二里舊船朽壞乾隆四十六年劉岡募捐重建南田王泰本里劉景陽汪掄升偕因心堂各助

瞻渡田 邑北二里後辛氏建石橋渡遂廢

穩渡 邑北三里宋家畝元至正間宋春伯建今廢

水北渡 邑北五里南田

吹藜渡 邑北十里

竹渡 邑西十里楊孟明建今廢嘉定志昔謝仙過此以竹

為渡後因名村

高城渡 邑西二十里

蔣家渡 邑西二十里南窰有瞻渡田

晏公渡 邑西三十里官莊旁有晏公廟鄉人置田瞻渡

長興渡 邑西三十里寶石下置有瞻渡田

永興渡 邑西三十里深塘有瞻渡田

李家渡 邑西三十五里車上明水南渡 邑西四十五里水南吳道建置有田

晏公廟渡 邑西五十里浩石嘉慶十年高吳易等姓建有田

冷埭前渡 邑西十五里

呼田渡 邑東北五里棧下呼田兩墩衆人合建置有田

丁田渡 邑東北十里石橋建後廢

大江渡 邑東北十五里與江高伊介高積謙等倡建置

有田二千餘把

小江渡 同上

小江西渡 邑東北十五里

李家渡 邑東北二十里

澄渡 邑東北二十五里

沙潭渡 邑東北二十五里

劉何渡 邑東北三十里鄉人募建

張家山渡 邑東北三十里盧姓建

盧洲上渡 邑東北五十里盧家洲

盧洲下渡 二渡俱盧姓衆建

赤江渡 邑東北五十五里南園今改建橋

石楊渡 邑北七十里中高村以石屏楊洲夾岸名乾隆間李士璵辛惠安盧云達僧雙智等募建置田以善後

黎高渡 邑西北一百里船埠潭以黎源高嶺夾岸名雍正間鄉眾募建置有產

補遺

興江街頭石橋 首士高寒子高起河等倡建 武家嘴石橋 李敬道倡修

岐源婆婆橋 廩生李珪妻龍氏李喬遷妻鄭氏建 岐源萬福橋 嘉慶乙亥楊馨宗建捐田四百餘把

岐源竹埠橋 嘉慶己卯楊馨宗建 株樹石橋 杭橋游德團眾建有亭

羅城蓮亭橋 即前蓮溪橋道光丁酉邑庠高炳麟監生彭賢佩倡募重建

青溪石橋 李繼功子孫捐建 柏樹石橋 同上

磁溪六百橋 李宗漢妻楊氏建 店前潯陽橋 邑西北三十里乾隆間辛

范塘富春橋 明嘉靖間孫鳳孫鳳同建

